

Z126.1
1
12

尚書注疏

目錄

尚書正義序

尚書序

尚書原目

尚書注解傳述人

卷一

虞書 堯典

卷二

虞書 舜典

卷三

虞書 大禹謨
皋陶謨

卷四

虞書

益稷

卷五

夏書

禹貢

卷六

夏書

甘誓
胤征

五子之歌

卷七

商書

湯誓
太甲上

仲虺之誥

太甲中

湯
太

卷八

商書

盤庚上
盤庚下

盤庚中

卷九

商書

說命上 說命中 說命下
高宗彤日 西伯戡黎 微子

卷十

周書

泰誓上 泰誓中 泰誓下
牧誓 武成

卷十一

周書

洪範

卷十二

周書

旅 葵 金縢
大誥 微子之命

卷十三

周書

康誥 酒誥
梓材

卷十四

周書

召誥
洛誥

卷十五

周書

多士
君奭

無逸

卷十六

周書

蔡仲之命
多方

卷十七

周書

周官
顧命
君陳

卷十八

周書

康王之誥
畢命
呂刑
君牙

卷十九

周書

文侯之命

費誓

秦誓

尚書注疏原目

虞書

音義

凡十六篇。十一篇亡。五篇見存。

堯典第一

疏

古文尚書堯典第一。○正義曰。檢古本并石經。直言堯典第一。無古文尚書以

孔君從隸古。仍號古文。故後人因而題於此。以別伏生所出。大小夏侯及歐陽所傳。為今文故也。堯典第一一篇之名。當與眾篇相次第。訓為次也。於次第之內而處一。故曰堯典第一。以此第一者。以五帝之末。接三王之初。典策既備。因機成務。交代揖讓。以垂無為。故為第一也。然書者。理由舜史。勒成一家。可以為法。上取堯事。下終禪禹。以至舜終。皆為舜史所錄。其堯舜之典。多陳行事之狀。其言寡矣。禹貢即全非君言。準之後代。不應入書。此其一體之異。以此禹之身事於禪後。無入夏書之理。自甘誓已下。皆多言辭。則古史所書。於是乎始知五子之歌。亦非上言。典書草創。以義而錄。但致言有本。各隨其事。檢其此體。為例有十。一曰典。二曰謨。三曰貢。四曰歌。五曰誓。六曰誥。七曰訓。八曰命。九曰征。十曰範。堯典舜典二篇。典也。大

禹謨。臯陶謨。二篇。謨也。禹貢一篇。貢也。五子之歌一篇。歌也。甘誓。泰誓。三篇。湯誓。牧誓。費誓。秦誓。八篇。誓也。仲虺之誥。湯誥。大誥。康誥。酒誥。召誥。洛誥。康王之誥。八篇。誥也。伊訓一篇。訓也。說命三篇。微子之命。蔡仲之命。顧命。畢命。冏命。文侯之命。九篇。命也。胤征一篇。征也。洪範一篇。範也。此各隨事而言。益稷亦謨也。因其人稱言以別之。其太甲咸有一德。伊尹訓道王。亦訓之類。盤庚亦誥也。故王肅云。不言誥何也。取其徙而立功。非但錄其誥。高宗彤日。與訓序連文。亦訓辭可知也。西伯戡黎。云祖伊恐奔告于受。亦誥也。武成。云識其政事。亦誥也。旅獒。戒王。亦訓也。金縢。自爲一體。祝亦誥辭也。梓材。酒誥分出。亦誥也。多士。以王命誥。自然誥也。無逸。戒王。亦訓也。君奭。周公誥召公。亦誥也。多方。周官上誥於下。亦誥也。君陳。君牙。與畢公之類。亦命也。呂刑。陳刑告王。亦誥也。書篇之名。因事而立。旣無體例。隨便爲文。其百篇次第。於序孔鄭不同。孔以湯誓在夏社前。於百篇爲第二十六。鄭以爲在臣扈後第二十九。孔以咸有一德。次太甲後第四十。鄭以爲在湯誥後第三十一。孔以蔡仲之命。次君奭後第八十三。鄭以爲在費誓前第九十六。孔以

周官在立政後第八十八。鄭以爲在立政前第八十六。孔以費誓在文侯之命後第九十九。鄭以爲在呂刑前第九十七。不同者。孔依壁內篇次及序爲文。鄭依賈氏所奏別錄爲次。孔未入學官。以此不同。考論次第。孔虞書疏正義曰。堯典雖曰唐事。本以虞史所義是也。錄末言舜登庸由堯。故追堯作典。非唐史所錄。故謂之虞書也。鄭立云。舜之美事在於堯時是也。案馬融鄭立王肅別錄題皆曰虞夏書。以虞夏同科。雖虞事亦連夏。此直言虞書。本無夏書之題也。案鄭序以爲虞夏書二十篇。商書四十篇。周書四十篇。贊云。三科之條。五家之教。是虞夏同科也。其孔於禹貢註云。禹之王以是功。故爲夏書之首。則禹夏別題也。以上爲虞書。則十六篇。又帝告釐沃湯征汝鳩。汝方。於鄭立爲商書。而孔并於胤征之下。或以爲夏事。猶西伯戡黎。則夏書九篇。商書三十五篇。此與鄭異也。或孔因帝告以下五篇亡。并註於夏書。不廢猶商書乎。別文所引。皆云虞書曰。夏書曰。無并言虞夏書者。又伏生雖有一虞夏傳。以外亦有虞傳夏傳。此其所以宜別也。此孔依虞夏各別而存之。莊八年左傳引夏書曰。臯陶邁種德。僖二十四年左傳引夏

書曰。地平天成。二十七年引夏書賦納以言。襄二十六年引夏書曰。與其殺不辜。寧失不經。皆在大禹謨。臯陶謨。當云虞書。而云夏書者。以事關禹。故引爲夏書。若洪範以爲周書。以箕子至周。商人所陳。而傳引之。卽曰商書也。案壁內所得。孔爲傳者。凡五十八篇。爲四十六卷。三十三篇與鄭注同。二十五篇增多。鄭注也。其二十五篇者。大禹謨一。五子之歌二。胤征三。仲虺之誥四。湯誥五。伊訓六。太甲三篇九。咸有一德十。說命三篇十三。泰誓三篇十六。武成十七。旅獒十八。微子之命十九。蔡仲之命二十。周官二十一。君陳二十二。畢命二十三。君牙二十四。冏命二十五。但孔君所傳。值巫蠱不行。以終前漢諸儒。知孔本有五十。八篇。不見孔傳。遂有張霸之徒。於鄭注之外。僞造尚書。凡二十四篇。以足鄭注三十四篇。爲五十八篇。其數雖與孔同。其篇有異。孔則於伏生所傳二十九篇內。無古文泰誓。除序尚二十八篇。分出舜典。益稷。盤庚二篇。康王之誥。爲三十三。增二十五篇。爲五十八篇。鄭立則於伏生二十九篇之內。分出盤庚二篇。康王之誥。又泰誓三篇。爲三十四篇。更增益僞書二十四篇。爲五十八。所增益二十四篇者。則鄭注書序舜

典一。汨作二。九共九篇十一。大禹謨十二。益稷十三。五子之歌十四。胤征十五。湯誥十六。咸有一德十七。典寶十八。伊訓十九。肆命二十。原命二十一。武成二十二。旅獒二十三。罔命二十四。以此二十四爲十六卷。以九共九篇共卷。除八篇。故爲十六。故藝文志劉向別錄云。五十八篇。藝文志又云。孔安國者。孔子後也。悉得其書。以古文又多十六篇。篇卽卷也。卽是僞書。二十四篇也。劉向作別錄。班固作藝文志。並云此言不見孔傳也。劉歆作三統歷論。武王伐紂。引今文泰誓云。西午逮師。又引武成。越若來。三月五日甲子。咸劉商王受。並不與孔同。亦不見孔傳也。後漢初賈逵奏尚書疏云。流爲烏。是與孔亦異也。馬融書序云。經傳所引泰誓。泰誓並無此文。又云。逸十六篇。絕無師說。是融亦不見也。服虔杜預注左傳。亂其紀綱。並云。夏桀時。服虔杜預皆不見也。鄭玄亦不見之。故注書序。舜典云。入麓伐木。注五子之歌云。避亂於洛汭。注胤征云。胤征。臣名。又注禹貢。引胤征云。厥篚玄黃。昭我周王。又注咸有一德云。伊陟。臣扈曰。又注典寶。引伊訓云。載孚在亳。又曰。征是三臆。又注旅獒云。獒讀曰豪。謂是會豪之長。又古文有仲虺之誥。太甲說。

命等。見在而云亡。其汨作典寶之等一十三篇見亡而云已逸。是不見古文也。案伏生所傳三十四篇者。謂之今文。則夏侯勝。夏侯建。歐陽和伯等三家所傳。及後漢末蔡邕所勒石經是也。孔所傳者。膠東庸生。劉歆。賈逵。馬融等所傳是也。鄭玄書贊云。我先師棘子下生。安國亦好此學。衛賈馬二三君子之業。則雅才好博。既宣之矣。又云。歐陽氏失其本義。今疾此蔽。冒。猶復疑惑未俊。是鄭意師祖孔學。傳授膠東庸生。劉歆。賈逵。馬融等學。而賤夏侯。歐陽等何意。鄭注尚書亡逸。並與孔異。篇數並與三家同。又劉歆。賈逵。馬融之等。並傳孔學。云十六篇逸。與安國不同者。良由孔注之後。其書散逸。傳注不行。以庸生。賈馬之等。惟傳孔學。經文三十三篇。故鄭與三家同。以為古文。而鄭承其後。所注皆同。賈逵。馬融之學。題曰古文。尚書篇與夏侯等同。而經字多異。夏侯等書宅。岨夷為宅。岨。鐵。昧。谷曰。柳谷。心腹。腎腸曰。優賢。揚。剗。則剗。剗云。臚。宮。剗。割。頭。庶。剗。是。鄭注不同也。三家之學。傳孔業者。漢書儒林傳云。安國傳都尉朝子俊。俊傳膠東庸生。生傳清河胡常。常傳徐敖。敖傳王璜。及塗暉。暉傳河南桑欽。至後漢初。衛賈馬亦傳孔學。故書贊云。自

世祖興後漢衛賈馬二三君子之業是也。所得傳者三十三篇。古經亦無其五十八篇。及傳說絕無傳者。至晉世王肅注書。始似竊見孔傳。故注亂其紀綱。爲夏太康時。又晉書皇甫謐傳云。姑子外弟梁柳邊。得古文尚書。故作帝王世紀。往往載孔傳五十八篇之書。晉書又云。晉太保公鄭冲。以古文授扶風蘇愉。愉字休預。預授天水梁柳。字洪季。卽謐之外弟也。季授城陽臧曹。字彥始。始授郡守子汝南梅賾。字仲真。又爲豫章內史。遂於前晉奏上其書而施行焉。時已亡失。舜典一篇。晉末范甯爲解時。已不得焉。至齊蕭鸞建武四年。姚方興於大航頭得而獻之。議者以爲孔安國之所注也。值方興有罪。事亦隨寢。至隋開皇二年。購募遺典。乃得其篇焉。然孔注之後。歷及後漢之末。無人傳說。至晉之初。猶得存者。雖不列學官。散在民間。事雖久。孔氏傳傳卽注也。以傳述爲疏正義曰。遠。故得猶存。孔氏傳義舊說漢已前稱傳疏以注者多門。故云某氏。以別衆家。或當時自題孔氏。亦可以後人辨之。

舜典第二

首義

王氏注相承云。梅頤上孔氏傳古文尚書亡。舜典一篇。時以王肅注頗類

同治十年重刊

孔氏故取王注。從謹徵五典以下爲舜典。以續孔傳。徐仙民亦音此本。今依舊音之。

大禹謨第三

音義

徐云。本虞書總爲一卷。凡十一卷。今依七志七錄爲十卷。

皋陶謨第四

益稷第五

夏書

禹貢第一

甘誓第二

五子之歌第三

胤征第四

商書

音義

凡三十四篇。十七篇存。

湯誓第一

仲虺之誥第二

湯誥第三

伊訓第四

太甲上第五

太甲中第六

太甲下第七

咸有一德第八

盤庚上第九

盤庚中第十

盤庚下第十一

說命上第十二

說命中第十三

說命下第十四

高宗彤日第十五

西伯戡黎第十六

微子第十七

周書

泰誓上第一

泰誓中第二

泰誓下第三

牧誓第四

武成第五

洪範第六

旅獒第七

金縢第八

大誥第九

微子之命第十

康誥第十一

酒誥第十二

梓材第十三

召誥第十四

洛誥第十五

多士第十六

無逸第十七

君奭第十八

蔡仲之命第十九

多方第二十

立政第二十一

周官第二十二

君陳第二十三

顧命第二十四

康王之誥第二十五

畢命第二十六

君牙第二十七

冏命第二十八

呂刑第二十九

文侯之命第三十

費誓第三十一

秦誓第三十二

尙書注疏卷八

漢孔氏傳

唐陸德明音義

孔穎達疏

商書

盤庚上

盤庚中

序盤庚五遷將治亳殷**傳**自湯至盤庚凡五遷都盤

庚治亳殷民咨胥怨**傳**胥相也民不欲徙乃咨嗟憂

愁相與怨上作盤庚三篇**音義**盤本又作般步于反

反怨紆**疏**正義曰商自成湯以來屢遷都邑仲丁河

萬反其後故序總之自湯至盤庚凡五遷都今盤庚將欲

遷居而治於亳之殷地民皆戀其故居不欲移徙咨

嗟憂愁相與怨上盤庚以言辭誥之史敘其事作盤

此言盤庚五遷。又并數湯爲五。湯一人再數。故班固云。殷人屢遷。前八後五。其實止十二也。此序云。盤庚將治亳。殷下傳云。殷亳之別名。則亳殷卽是一都。湯遷還從先王居也。汲冢古文云。盤庚自奄遷于殷。殷在鄴南三十里。束皙云。尚書序。盤庚五遷。將治亳。殷舊說以爲居亳。亳殷在河南。孔子壁中尚書云。將始宅殷。是與古文不同也。漢書項羽傳云。洹水南殷墟上。今安陽西有殷。束皙以殷在河北。與亳異也。然孔子壁內之書。安國先得其本。此將治亳。殷不可作將始宅殷。亳字摩滅。容或爲宅。壁內之書。安國先得。始皆作亂。其字與治不類。無緣誤作始字。知束皙不見壁內之書。妄爲說耳。若洹水南有殷墟。或當餘王居之。非盤庚也。盤庚治於亳。殷紂滅在於朝歌。則盤庚以後。遷於河北。蓋盤庚後。王有從河自亳地。遷於洹水之南。後又遷于朝歌。釋詁云。胥皆也。相亦是皆義。故通訓胥爲相也。民不欲徙。乃咨嗟憂愁。相與怨上。經云。民不適有居。是怨上之事也。仲丁祖乙。亦是遷都。序無民怨之言。此獨有怨者。盤庚祖乙之曾孫也。祖乙遷都於此。至今多歷年世。民居已久。戀舊情深。前王三徙。誥令則行。曉諭之易。故無此言。此則民怨。

之深。故序獨有此事。彼各一篇。而此獨三篇者。謂民怨上。故勸誘之難也。民不欲遷。而盤庚必遷者。鄭玄云。祖乙居耿後。奢侈踰禮。土地迫近。山川嘗圯焉。至陽甲立。盤庚爲之。臣乃謀徙居湯舊都。又序注云。民居耿久。奢侈成俗。故不樂徙。王肅云。自祖乙五世至盤庚。元兄陽甲宮室奢侈。下民邑居墊隘。水泉鴻鹵。不可以行政化。故徙都於殷。皇甫謐云。耿在河北。迫近山川。自祖辛已來。民皆奢侈。故盤庚遷於殷。此三者之說。皆言奢侈。鄭玄旣言君奢。又言民奢。王肅專謂君奢。皇甫謐專謂民奢。言君奢者。以天子宮室奢侈。侵奪下民。言民奢者。以豪民室宇過度。逼迫貧乏。皆爲細民弱劣。無所容居。欲遷都改制。以寬之。富民戀舊。故違上意。不欲遷也。案檢孔傳無奢侈之語。惟下篇云。今我民用蕩析離居。罔有定極。傳云。水泉沉溺。故蕩析離居。無安定之極。徙以爲之極。孔意蓋以地勢洿下。又久居水變。水泉鴻鹵。不可行化。故欲遷都。不必爲奢侈也。此以君名各篇。必是爲君時事。而鄭玄以爲上篇是盤庚爲臣時事。何得專輒謬妄也。

盤庚上

傳

盤庚殷王名。殷質。以名篇。

首義

盤庚殷王名。馬

云。祖乙曾孫。祖丁之子。不言盤庚誥何。非但錄其誥也。取其徙而立功。故以盤庚名篇。

疏

正義

曰。此三篇皆以民不樂遷。開解民意。告以不遷之害。遷都之善也。中上二篇。未遷時事。下篇既遷後事。上篇人皆怨上。初啓民心。故其辭尤切。中篇民已少悟。故其辭稍緩。下篇民既從遷。故辭復益緩。哀十一年左傳引此篇云。盤庚之誥。則此篇皆誥辭也。題篇不曰盤庚誥者。王肅云。取其徙而立功。故但以盤庚名篇。然仲丁祖乙河亶甲等。皆以王名篇。則是史意異耳。未必見他義。團正義曰。周書諡法。成王時作。故桓六年左傳云。周人以諱事禮。殷時質未諱。君各故。以王名各篇也。上仲丁祖乙亦是王名。於此始作傳者。以上篇經亡。此經稱盤庚。故就此解之。史記殷本紀云。盤庚崩。弟小辛立。殷復衰。百姓思盤庚。乃作盤庚三篇。與此序違。非也。鄭玄云。盤庚。湯十世孫。祖乙之曾孫。以五遷繼湯。篇次祖乙。故繼之。于上累之。祖乙爲湯玄孫。七世也。又加祖乙復其祖父。通盤庚故十世。本紀云。祖乙崩。子祖辛立。崩。子開甲立。崩。弟祖丁立。崩。開甲之子南庚立。崩。祖丁子陽甲立。崩。弟盤庚立。是

祖乙生祖辛。祖辛生祖丁。
祖丁生盤庚。故爲曾孫。

盤庚遷于殷。**傳**毫之別名。民不適有居。**傳**適之也。不欲
之。殷有邑居。率籲衆感。出矢言。**傳**籲和也。率和衆憂之
人。出正直之言。曰。我王來。旣爰宅于茲。**傳**我王祖乙居

耿爰於也。言祖乙已居於此。重我民無盡劉。**傳**劉殺也。

所以遷此。重我民無欲盡殺。故不能胥匡以生。卜稽曰
其如台。**傳**言民不能相匡以生。則當卜考於龜以徙。曰

其如我所行。先王有服。恪謹天命。茲猶不常寧。**傳**先王
有所服行。敬謹天命。如此尚不常安。有可遷輒遷。不常

厥邑。于今五邦。**傳**湯遷毫。仲丁遷囂。河直甲居相。祖乙

居耿。我往居亳。凡五徙國都。今不承于古。罔知天之斷

命。**傳**今不承古而徙。是無知天將斷絕汝命。矧曰其克

從先王之烈。**傳**天將絕命。尚無知之。況能從先王之業

乎。若顛木之有由蘖。**傳**言今往遷都。更求昌盛。如顛仆

之木。有用生蘖哉。天其永我命于茲新邑。**傳**言天其長

我命於此新邑。不可不徙。紹復先王之大業。底綏四方。

傳言我徙欲如此。**音義**顛音喻。感千歷反。盡子忍反。稽工今反。台音怡。恪苦角反。五邦

馬云。謂商丘。亳。鬯。相耿也。斷又音短。從才容反。蘖五達反。本又作栝。馬云。顛木而肄生曰栝。仆音赴。又步北反。

底之。**疏**正義曰。盤庚欲遷於亳之殷地。其民不欲適彼履反。**疏**殷地別有邑居。莫不憂愁。相與怨上。盤庚率領

和諧其衆憂之人。出正直之言。以曉告曰。我先王初居此者。從舊都來。於是宅於此地。所以遷於此者。為重我

民無欲盡殺故先王以久居墊隘不遷則死見下民不能相匡正以生故謀而來徙以徙爲善未敢專決又考卜於龜以徙既獲吉兆乃曰其如我所行欲徙之吉先王成湯以來凡有所服行敬順天命如此尚不常安可徙則徙不常其邑於今五邗矣今若不承於古徙以避害則是無知天將斷絕汝命矣天將絕命尚不能知況曰其能從先王之基業乎今我往遷都更求昌盛若顛仆之木有用生葉哉人衰更求盛猶木死生葉哉我今遷向新都上天其必長我殷之王命於此新邑繼復先王之大業致行其道以安四方之人我徙欲如此耳汝等何以不願徙乎前云若不徙以避害則天將絕汝命謂絕臣民之命明亦絕我殷王之命復云若遷往新都天其長我殷之王命明亦長臣民之命互文也鄭正義曰此序先亳後殷亳是大名殷是亳內之別名鄭立云商家自徙此而號曰殷鄭以此前未有殷名也中篇云殷降大虐將遷於殷先正其號名知於此號爲殷也雖兼號爲殷而商名不改或稱殷又有兼稱殷商商頌云商邑翼翼捷彼殷武是單稱之也又大雅云殷商之旅咨汝殷商是兼稱之也亳是殷地大名故殷社謂之亳社其亳鄭立以爲偃師皇甫謐以爲梁國穀熟縣或云

乾隆四年校刊

尚書生疏卷八

盤庚上

四

濟陰毫縣說既不同。未知誰是。釋詁云。適之
爲往。故適得爲之。不欲往彼殷地。別有新邑
裕也。是寬意。故爲和也。憂則不和。感訓憂也
憂之人。出正直之言。詩云。其直如矢。故以午
之言。孔以祖乙圮於相地。遷都於耿。今盤庚
殷。以我王爲祖乙。此謂耿也。劉殺。釋詁文。水
可行化。王化不行。殺民之道。先王所以決於
我民。無欲盡殺故也。不徙所以不能相匡。以
泉沉溺。人民困苦。不能以義相匡。正以生。又
以徙。周禮太卜。大遷則貞龜。是遷必卜也。下
邦。自湯以來數之。則此言先王。總謂成湯至
王有所服行。謂行有典法。言能敬順天命。節
行也。盤庚言先王敬順天命。如此尚不常安
遷。況我不能敬順天命。不遷。民必死矣。故不
孔以盤庚意在必遷。故通數我往居毫爲五
云。湯自商徙毫。數商毫。相取爲五。計湯既
王業。此言先王遷都。不得遠數居毫之前。亦
詁云。枿。餘也。李巡曰。枿。槁木之餘也。郭璞二
曰。枿。是言木死顛仆。其根更生蘖哉。此都既
之木。若棄去毀壞之邑。更得昌盛。猶顛仆杜

生孽
哉。

盤庚敷于民。由乃在位。以常舊服。正法度。**傳**敷教也。教

人使用。汝在位之命。用常故事。正其法度。曰無或敢伏

小人之攸箴。**傳**言無有敢伏絕。小人之所以欲箴規上者。

戒朝臣。**音義**敷戶教反。度如字。箴之林。反。馬云。諫也。朝直遙反。**疏**正義曰。前既

復並戒臣民。盤庚先教於民云。汝等當用汝在位之命。

用舊常故事。正其法度。欲令民徙。從其臣言也。民從上

命。卽是常事法度也。又戒臣曰。汝等無有敢伏絕。小人

之所欲箴規上者。**傳**正義曰。文王世子云。小樂正敷于

大胥贊之。籥師敷戈。籥師丞贊之。彼並是教舞于戈。知

敷爲教也。小民等患水泉沈溺。欲箴規上而徙。汝臣下
勿抑塞伏絕之。鄭立云。奢侈之俗。小民咸苦之。**王命衆**
欲言於王。今將屬民而詢焉。故勅以無伏之。**王命衆**
悉至于庭。**傳**衆羣臣以下。**疏**正義曰。周禮小司寇。掌
外朝之政。以致萬民而詢

焉。一曰詢國危。二曰詢國遷。三曰詢立君。是國將大遷。必詢及於萬民。故知眾悉至王庭。是羣臣以下。謂及下民也。民不欲徙。由臣不助王勸民。故以下多是責臣之辭。

王若曰。格汝眾。予告汝訓。傳告汝以法教。汝猷黜乃心。

無傲從康。傳謀退汝違上之心。無傲慢從心所安。古我

先王。亦惟圖任舊人共政。傳先王謀仕久老成人。共治

其政。音義傲。五報反。任。而鳩反。疏正義曰。此篇所言先王。其文無指斥者。皆謂成湯以來諸賢王

也。下言神后高后者。指謂湯耳。下篇言古我先王。適下

山者。乃謂遷都之王。仲丁祖乙之等也。此言先王。謂先

世賢王。此既言先王。下句王播告之。王播告之。修不匿

厥指。傳王布告人以所脩之政。不匿其指。音義播。波餓反。匿。女

力。疏正義曰。上句言先王用舊人共政。下云王播告之。修。當謂告臣耳。傳言布告人者。以下云民用不

變是必告臣亦又告民。

王用丕欽。罔有逸言。民用丕變。

敬其政教。無有逸豫之言。民用大變從化。今汝聒聒。起

信險膚。子弗知乃所訟。

受之言。我不知汝所訟言何謂。

之意。

無知之貌。以聒聒是多言亂人之意也。起信險膚者。言

發起所行。專信此險偽膚受淺近之言。信此浮言。妄有

一人。子若觀火。

舍惡德。但不畏懼我耳。我視汝情如視火。

正義曰。言先王敬其教。民用大變。我命教汝。汝不肯徙。非我自廢此不欽之德。惟汝之所舍德甚惡。不畏懼我

一人故耳。汝含藏此意。謂我不知。我見汝情若觀火。言見之分明如見火也。予亦拙謀作乃

逸。**傳**逸過也。我不威脅汝徙。是我拙謀成汝過。**音義**拙

劣。**疏**正義曰。逸過。釋言文。我若以威加汝。汝自不敢反。不遷則無違上之過也。我不威脅汝徙。乃是我亦

拙謀。作成汝過也。恨民以恩導之而不從己也。若網在綱。有條而不紊。若農服

田力穡。乃亦有秋。**傳**紊亂也。穡耕稼也。下之順上。當如

網在綱。各有條理而不亂也。農勤穡。則有秋。下承上。則

有福。**音義**紊音問。**疏**正義曰。紊是絲亂。故為亂也。稼

是秋收之名。得為耕穫總稱。故云。汝克黜乃心。施實德

穡。耕稼不承上。則有福。福謂祿賞。于民。至于婚友。不乃敢大言。汝有積德。**傳**汝羣臣能退

汝違上之心。施實德於民。至于婚姻僚友。則我大乃敢

言汝有積德之臣。乃
作勞。不服田畝。越其
不欲徙。則是不畏大

不强作勞於田畝。則

腎皆訓強。故兩存。誠

作粵。音曰于也。強。其

之強也。書曰。不昏作

立。讀昏爲腎。訓爲勉。

不畏大毒於遠近。其

近。謂徐促。言害至有

獲。以喻不遷於新邑。

無黍稷。對上服田力

汝不和吉言于百姓

百官。是自生毒害。疏

既**是**百官和吉言者。又在百官之上。知此經是責公卿不能和喻善言於百官。使之樂遷也。不和百官。必將遇禍。是公卿乃敗禍。姦宄以自災于厥身。**傳**言汝不相率

共徙。是爲敗禍。姦宄以自災之道。乃既先惡于民。乃奉

其恫。汝悔身何及。**傳**羣臣不欲徙。是先惡於民。恫痛也。

不徙。則禍毒在汝身。徙奉持所痛而悔之。則於身無所

及。

音義

充音軌。奉字勇反。注同。

疏

正義曰。羣臣是民

羣臣亦不欲徙。是乃先惡於民也。恫痛釋言文。

相時儉民。猶胥顧于箴言。其發

有逸口。矧予制乃短長之命。**傳**

言儉利小民。尚相顧於

箴。誨恐其發動有過口之患。況我制汝死生之命。而汝

不相教從我。是不若小民。汝曷弗告朕。而胥動以浮言。

恐沈于衆。**傳**曷何也。責其不以情告上。而相恐動以浮

言。不徙。恐汝沈溺於衆。有禍害。若火之燎于原。不可嚮

邇。其猶可撲滅。**傳**火炎不可嚮近。尚可撲滅。浮言不可

信用。尚可刑戮絕之。則惟汝衆自作弗靖。非予有咎。**傳**

我刑戮汝。非我咎也。靖謀也。是汝自為非謀所致。**音義**

相息亮反。馬云。視也。徐息羊反。憮息廉反。馬云。憮利。小

見事之人也。徐七漸反。曷何未反。燎力名反。又力鳥

反。又力紹反。嚮許亮反。撲普卜反。正義曰。又責大臣不

反。近附近之近。靖馬云。安也。**疏**相教遷徙。是不如小

民。我視彼儉利小民。猶尚相顧於箴規之言。恐其發舉

有過口之患。故以言相規。患之小者。尚知畏避。況我為

同治十年重刊

何書江疏卷八

野炎熾不可嚮近。其猶可撲之使滅。以喻浮言不可止息。尚可刑戮使絕也。若以刑戮加汝。則是汝衆自爲。非謀所致此耳。非我有咎過也。**傳**正義曰。曷何同音。故曷爲何也。顧氏云。汝以浮言恐動不徙。更是無益。我恐汝自取沈溺於衆人。不免禍害也。我刑戮汝。汝自招之。非我咎也。靖謀釋詁文。告民不徙者。非善謀也。由此而被刑戮。是汝自爲。遲任有言曰。人惟求舊器。非求舊惟新。非謀所致也。

傳遲任。古賢。言人貴舊器。貴新。汝不徙。是不貴舊。古我

先王。暨乃祖乃父。胥及逸勤。予敢動用非罰。**傳**言古之

君臣。相與同勞逸。子孫所宜法之。我豈敢動用非常之

罰。脅汝乎。世選爾勞。予不掩爾善。**傳**選。數也。言我世世

選汝功勤。不掩蔽汝善。是我忠於汝。茲予大享于先王。

爾祖。其從與享之。**傳**古者天子錄功臣。配食於廟。大享

烝嘗也。所以不掩汝善。作福作災。予亦不敢動用非德。

傳善自作福。惡自作災。我不敢動用非罰。加汝非德。賞

汝乎。從汝善惡而報之。

音義

遲直疑反。徐持夷反。任。而金反。馬云。古老成人。選息

轉反。又蘇管反。掩。本又作兪。

疏正義曰。可遷卽遷。是先

數。色主反。與音預。烝之丞反。**疏**王舊法。古之賢人。遲任

有言曰。人惟求舊。器非求舊。惟新。言人貴舊。器貴新。汝

不欲徙。是不貴舊。反遲任也。古者我之先王。及汝祖汝

父。相與同逸。豫同勤勞。汝爲人子孫。宜法汝父祖。當與

我同其勞逸。我豈敢動用非常之罰。脅汝乎。自我先王

以至於我。世世數汝功勞。我不掩蔽汝善。是我忠於汝

也。以此故。我大享祭于先王。汝祖其從我先王。與在宗

廟而歆享之。是我不敢動用非德之賞。妄賞汝。各從汝善惡

而報之耳。其意告臣言。從上必有賞。違我必有罰也。**傳**

正義曰。遲任古賢者。其人旣沒。其言立於後世。知是古

賢人也。鄭立云。古之賢史。王肅云。古老成人。皆謂賢也。

釋詁云。算數也。舍人曰。釋數之曰算。選卽算也。故訓爲

數。經言世世數汝功勞。是從先王至己。常行此事。故云是我忠於汝也。言己之忠。責臣之不忠也。周禮大宗伯祭祀之名。天神曰祀。地祇曰祭。人鬼曰享。此大享於先王。謂天子祭宗廟也。傳解天子祭廟得有臣祖與享之意。言古者天子錄功臣配食於廟。故臣之先祖得與享之也。古者孔氏據己而道前世也。此殷時已然矣。大享。烝嘗者。烝嘗是秋冬祭名。謂之大享者。以事各有對。若烝嘗對禘祫。則禘祫爲大。烝嘗爲小。若四時自相對。則烝嘗爲大。禘祠爲小。以秋冬物成。可薦者衆。故烝嘗爲大。春夏物未成。可薦者少。故禘祠爲小也。知烝嘗有功。臣與祭者。案周禮司勳云。凡有功者。銘書於王之。大常祭於大烝。司勳詔之是也。嘗是烝之類。而傳以嘗配之。魯頌曰。秋而載嘗是也。祭統云。內祭則大嘗禘是也。外祭則郊社是也。然彼以禘祫爲大嘗。知此不以烝嘗時爲禘祫。而直據時祭者。以殷禘祫於三時。非獨烝嘗也。秋冬之祭。尚及功臣。則禘祫可知。惟春夏不可耳。以物未成。故也。近代已來。惟禘祫乃祭功臣配食。時祭不及之也。近代已來。功臣配食。各配所事之君。若所事之君。其廟已毀。時祭不祭。毀廟其君尚不時祭。其臣固當止矣。禘祫則毀廟之主亦在焉。其時功臣亦當在也。王制云。獺

禘。禘。禘。嘗。禘。烝。諸侯禘。禘。一。禘。一。禘。嘗。禘。烝。禘。此
王制之文。夏殷之制。天子春惟時祭。其夏秋冬。既爲禘。
又爲時祭。諸侯亦春爲時祭。夏惟作禘。不作祭。秋冬先
作時祭。而後禘。周則春日祠。夏日禘。三年一禘。在秋。五
年一禘。在夏。故公羊傳云。五年再殷祭。禮緯云。三
年一禘。五年一禘。此是鄭氏之義。未知孔意如何。予告

汝于難。若射之有志。傳告汝行事之難。當如射之有所

準志。必中所志。乃善。音義射。食夜反。準。音。疏正義曰。既

災。由人行有善惡。故復教臣行善。我告汝於行事之難。
猶如射之有所準志。志之主欲得中也。必中所志。乃爲
善耳。以喻人將有行。豫思念之。行得其道爲善耳。其意
言遷都是善道。當念從我言也。傳正義曰。此傳惟順經
文。不言喻意。鄭玄云。我告汝於我心至難矣。夫射者。張
弓屬矢。而志在所射。必中。然後發之。爲政之道。亦如是
也。以己心度之。可。汝無侮老成人。無弱孤有幼。傳不用

老成人之言。是侮老之。不徒則孤幼受害。是弱易之。音

義 侮。亡甫反。**疏** 傳正義曰。老謂見其年老。謂其無所復

易以豉反。**疏** 知弱謂見其幼弱。謂其未有所識。鄭云

老弱皆輕忽之意也。老成人之言云。可徙不用其言。是

侮老之也。不徙則水泉鹹鹵。孤幼受害。不念其害。則是

卑弱輕易之也。各長于厥居。勉出乃力。聽予一人之作猷。**傳** 盤

庚勅臣下各思長於其居。勉盡心出力。聽從遷徙之謀。

音義 長。丁。反。**疏** 傳正義曰。於時羣臣難毀其居宅。惟見目

心。盤庚勅臣下各思長久於其居處。勉強盡心。無有遠邇。

心出力。聽從我遷徙之謀。自此已下皆是也。無有遠邇。

用罪伐厥死。用德彰厥善。**傳** 言遠近待之如一。罪以懲

之使勿犯。伐去其死道德以明之。使勸慕競為善。**音義**

去。美。反。**疏** 正義曰。此即遷徙之謀也。言我至新都。撫養在

呂反。**疏** 下。下。遠之與近。必當待之如一。用刑殺之罪

伐去其死道。用照察之德。彰明其行善。有過罪以懲之。

使民不犯非法。死刑不用。是伐去其死道。伐若伐樹然。

言止而不復行用也。有善者。人主以照察之德。加賞祿以明之。使競慕爲善。是彰其善也。此二句相對。上言用罪。伐厥死。下宜言用賞。彰厥生。不然者。上言用刑。下言賞善。死是刑之重者。舉重故言死。有善乃可賞。故言彰厥善。行賞是德。故以德言賞。人生是常。無善亦生。不得言彰厥生。故文互。邦之臧。惟汝衆。有善則衆臣之功。邦之不臧。惟予一人有佚罰。傳佚失也。是己失政之罰。罪己之義。凡爾衆。其惟致告。傳致我誠。告汝衆。自今至于後日。各恭爾事。齊乃位。度乃口。傳奉其職事。正齊其位。以法度居汝口。勿浮言。音義臧。徐子郎反。佚音逸。度徐如字。亦作渡。疏正義曰。度法度也。故傳罰及爾身。弗可悔。傳不從我謀。罰及汝身。雖悔可及乎。

盤庚中

盤庚作。惟涉河以民遷。**傳**為此南渡河之法用民徙。乃

話民之弗率。誕告用直。其有衆。**傳**話善言。民不循教。發

善言大告。用誠於衆。咸造。勿褻在王庭。**傳**造至也。衆皆

至。王庭無褻慢。盤庚乃登進厥民。**傳**升進命使前。**音義**

話。胡快反。馬云。告也。言也。誕。徐音但。直。丁但反。馬本作

單。音同。誠也。造。七報反。注同。馬在早反。云為也。褻。息列

反。**疏**正義曰。盤庚於時見都河北。欲遷向河南。作惟南

渡河之法。欲用民徙。乃出善言以告曉。民之不循

教者。大為教告。用誠心於其所有之衆人。於時衆人皆

至。無有褻慢之人。盡在於王庭。盤庚乃升進其民。延之

使前而衆告之。史敘其事。以為盤庚發誥之目。**傳**正義

曰。鄭立云。作渡河之具。王肅云。為此思南渡河之事。此

傳言南渡河之法。皆謂造船渡河之具。是濟水先後

之次。思其事而為之法也。釋詁云。話。言也。孫炎曰。話。善

人之言也。王苦民不從教。必發善言告之。

故以話為善言。鄭立詩箋亦云。話。善言也。

曰。明聽朕言。無荒失朕命。**傳**荒廢。嗚呼。古我前后。罔不

惟民之承。**傳**言我先世賢君。無不承安民而恤之。保后

胥感。鮮以不浮于天時。**傳**民亦安君之政。相與憂行君

令。浮。行也。少以不行於天時者。言皆行天時。**旨義**鮮息

疏**傳**正義曰。以君承安民而憂之。故民亦安君之政。相

與憂行君令。使君令必行。責時羣臣不憂行君令也。

舟船浮水而行。故以浮為行也。行。天時也。順時布政。若月令之為也。殷降大虐。先王不懷。

傳我殷家於天降大災。則先王不思故居而行徙。**疏****傳**正

義曰。遷徙者。止為邑居墊隘。水泉鹹鹵。非為避天災也。

此傳以虐為災。懷為思。言殷家於天降大災。則先王不

思故居而行徙者。以天時人事。終是相將。邑居不可行

化。必將天降之災。上云。不能相匡以生。罔知天之斷命。

即是天。厥攸作。視民利用遷。**傳**其所為。視民有利。則用

降災也。

乾隆四年校刊

盤庚中

十三

徙汝曷弗念我古后之間傳古后先王之聞謂遷事承

汝俾汝惟喜康共非汝有咎比于罰傳今我法先王惟

民之承故承汝使汝徙惟與汝共喜安非謂汝有惡徙

汝令比近於殃罰音義曷何未反下同俾必爾反咎其

下同共羣用反令力疏正義曰先王為政惟民之承今

呈反近附近之近疏我亦法先王故承安汝使汝徙

惟歡喜安樂皆與汝共之非謂汝傳言我順和懷此新邑欲利汝眾

惟汝故以不從厥志音義顓羊疏正義曰盤庚言我順

故大從其志而徙之音義顓羊疏於道理和協汝眾歸

懷此新邑者非直為我王家亦惟利汝眾傳今予將試以

汝遷安定厥邦傳試用汝不憂朕心之攸困傳所困不

順上命。乃咸大不宣。乃心欽念。以忱動之。

大不布腹心。敬念以誠。感動我。是汝不忠。

自苦。**傳**。鞠窮也。言汝為臣不忠。自取窮苦。

濟臭厥載。**傳**。言不徙之害。如舟在水中。

所載物。**音義**。忱。市林反。鞠。居六反。臭。徐

者。香氣穢氣皆名為臭。易云。其臭如蘭。增

晉語云。惠公改葬申生。臭徹於外。謂穢氣

覆述此意云。無起穢以自臭。則此臭謂此

敗則臭。故以臭為敗。船不渡水。則敗其

不屬。惟胥以沈。不其或稽。自怒曷瘳。**傳**

古苟不欲徙。相與沈溺。不考之先王。禍不

乎。**音義**。屬。音燭。注同。馬云。獨也。**疏**。正義曰

沈。直林反。瘳。勅留反。民。汝竺

乾隆四年校刊 尚書注疏卷八 盤庚中

汝忠誠不能屬逮於古賢。苟不欲徙，惟相與沈溺於衆，不欲徙之言，不其有考驗於先王遷徙之事。汝既不考於古，及其禍至，乃自忿怒，何所瘳差也。**傳** 汝不謀長，以思乃災。汝誕勸憂。

汝不謀長久之計，思汝不徙之災，苟不欲徙，是大勸憂

之道。**疏** 正義曰：凡人以善自勸，則善事多。若以憂自勸，則憂來衆。今不徙則憂來衆，是自勸勵以憂愁

之道。今其有今罔後，汝何生在上。**傳** 言不徙，無後計。汝何

得久生在上，禍將及汝。**疏** 正義曰：顧氏云：責羣臣。汝

利無後日，久長之計，患禍將至。汝何得久生在民上也。今予命汝一，無起穢以自

臭。**傳** 我一心命汝，汝違我，是自臭敗。**音義** 穢於廢反。**疏** 正義曰：今

我命汝，是我之一心也。汝當從我，無得起為穢惡，以自臭敗。汝違我命，是起穢以自臭也。恐人倚乃

身，迂乃心。**傳** 言汝既不欲徙，又為他人所誤，倚曲，迂，儻

音義

倚於綺反。徐於奇反。迂音于。僻匹亦反。

疏

正義曰：言汝心既不欲徙，旁人或更誤汝。我又恐他

人倚曲汝身，迂辭汝心，使汝益不用徙也。**傳**正義曰：人不能自決，則好用非理之謀，言汝既不欲遷徙，又為他人所誤，盤庚疑其被誤，故言此也。以物倚物者必予曲，故倚為曲也。迂是迴也。迴行必僻，故迂為僻也。

迂續乃命于天。子豈汝威，用奉畜汝眾。**傳**迂迎也。言我

徙欲迎續汝命于天，豈以威脅汝乎？用奉畜養汝眾。**音**

義

迂五駕反。畜許竹反。下同。脅虛業反。

疏

正義曰：迂迎，釋詁文。不遷，必將死矣。天欲遷以延命，天意向

汝，我欲迎之。天斷汝命，我欲續之。我今徙者，欲迎續汝命於天，豈以威脅汝乎？遷都惟用奉養汝眾，臣民耳。

子念我先神后之勞爾，先子丕克羞爾，用懷爾。然**傳**言

我亦法湯大能進勞汝，以義懷汝心，而汝違我，是汝反

先人。

音義

勞力報反。又如字。注同。

疏

正義曰：我念我先世神后之君成湯愛勞汝之先人，故我

大能進用汝。與汝爵位。用以道義德懷安汝。心曰。乃違我命。是汝反先人也。**傳**正義曰。易稱神者。赫而爲言也。殷之先世。神明之君。惟有湯耳。故知神湯也。下高后先后。與此神后一也。神者言其通。耶言其德尊。此神后言先。於高后畧而不言先。其下先后。又畧而不言高。從上省文也。勞爾先。謂愛之者。勤也。閔其勤勞而慰勞之。勞亦愛之義。故論語之能勿勞乎。是勞爲愛也。追言湯勞汝先。則此臣。其祖於成湯之世。已在朝廷。世仕王朝。而不用己命。故責之深也。失于政。陳于茲

不乃崇降罪疾。曰。曷虐朕民。

傳崇重也。今旣失政

久於此而不徙。湯必大重下罪疾於我。曰。何爲虐

而不徙乎。汝萬民乃不生生。暨予一人猷同心。

進謀同心。徙。先后不降與汝罪疾。曰。曷不暨朕

比。**傳**言非但罪我。亦將罪汝。幼孫盤庚自謂比。曰

有爽德自上。其罰汝。汝罔能迪。**傳**湯有明德在天。見汝

情下罰汝。汝無能道。言無辭。

音義

重直勇反。又直恭反。**疏**正義曰。盤庚以

民不願遷。言神后將罪汝。欲懼之使從己也。我所以必
須徙者。我今失於政教。陳久於此。民將有害。高德之君
成湯。必忿我不徙。大乃重下罪疾於我。曰。何為殘虐我
民而不徙乎。我既欲徙。而汝與萬民。乃不進進與我一
人謀計同心。則我先君成湯。天下與汝罪疾。曰。何故不
與我幼孫盤庚。有相親比同心徙乎。汝不與我同心。故
湯有明德。從上見汝之情。其下罪罰於汝。汝實有罪。無
所能道。言無辭。以自解說也。**傳**正義曰。崇重。釋詁文。又
云。塵。久也。孫炎曰。陳居之久。久則生塵矣。古者塵陳同
也。故陳為久之義。物之生長。則必漸進。故以生生為進
進。王肅亦然。進進。是同心願樂之意也。此寔責羣臣。而
言汝萬民者。民心亦然。因博及之。訓爽為明。言其見下
故稱明德。詩稱三后在天。死者精神在天。故言下見汝。

古我先后。既勞乃祖乃父。

傳勞之共治人。汝共作我畜民。汝有戕。則在乃心。**傳**戕

殘也。汝共我治民。有殘人之心而不欲徙。是反父祖之行。我先后綏乃祖乃父。乃祖乃父。乃斷棄汝。不救乃死。

傳言我先王安汝父祖之忠。今汝不忠。汝父祖必斷絕

棄汝命。不救汝死。

音義

戕。在良反。又七良反。**疏**正義曰。行。下孟反。斷。丁緩反。又責羣

臣。古我先君成湯。既愛勞汝祖汝父。與之共治民矣。汝今共為我養民之官。是我於汝與先君同也。而汝有殘虐民之心。非我令汝如此。則在汝心自為此惡。是汝反祖父之行。雖汝祖父。亦不祐汝。我先君安汝祖汝父之忠。汝祖汝父忠於先君。必忿汝違我。乃斷絕棄汝命。不救汝死。言汝違我命。故汝祖父亦忿見湯罪汝。不救汝死也。**傳**正義曰。勞之共治人者。下句責臣之身云。汝共作我畜民。明先后勞其祖父。是勞之共治民也。春秋宣十八年。邾人戕鄆子。左傳云。凡自虐其君曰弑。自外曰戕。戕為殘害之義。故為殘也。先后愛勞汝祖汝父。與共治民。汝祖父必有愛人之心。作訓為也。汝今共為我養民之官。而有殘民之心。而不用徙以避害。是汝反祖父

之行。盤庚距湯年世多矣。臣父不及湯世。而云父者。與祖連言之耳。茲予有亂政同位

乃貝玉。

傳

亂治也。此我有治政之臣。同位於父祖。不

盡忠。但念貝玉而已。言其貪。乃祖乃父。不乃告我高

曰。作不刑于朕孫。

傳

言汝父祖見汝貪而不忠。必大

告湯曰。作大刑於我子孫。求討不忠之罪。迪高后。不

崇降弗祥。

傳

言汝父祖開道湯大重。下不善以罰汝

忠孝之義以督之。

音義

治。直吏反。盡。子忍反。告。工號反。我高后。本又作乃祖乃父。

正義曰。又責臣云。汝祖父非徒不救汝死。乃更請與罪。於此我有治政之臣。同位於其父祖。其位與父祖心與父祖異。不念忠誠。但念貝玉而已。言其貪不忠也。汝先祖。先父。以汝如此。大乃告我高后。曰。爲刑於我子孫。以此言開道我高后。故我高后大乃下善之殃。以罰汝。成湯與汝祖父。皆欲罪汝。汝何以不

我徙乎。**傳**正義曰。亂治。釋詁文。舍人曰。亂。義之治也。孫炎曰。亂。治之理也。大臣理國之政。此者所責之人。故言於此。我有治政之臣。言其同位於父祖。責其位同而心異也。貝者。水蟲。古人取其甲以為貨。如今之用錢然。漢書。食貨志。具有其事。貝。是行用之貨也。貝玉。是物之最貴者。責其貪財。故舉二物以言之。當時之臣。不念盡忠於君。但念貝玉而已。言其貪也。作大刑於我子孫者。上句言成湯罪此諸臣。其祖父不救子孫之死。此句言臣之祖父。請成湯討其子孫。以不從己。故責之益深。先祖請討。非盤庚所知。原神之意。而為之辭。以懼其子孫耳。訓迪為道。言汝父祖開道。湯也。不從君為不忠。違父祖為不孝。父祖開道。湯下罰。欲使從君順祖。陳忠孝之義。以督勵之。

嗚呼。今予告汝不易。**傳**凡所言皆不易之事。永

敬大恤。無胥絕遠。**傳**長敬我言。大憂行之。無相與絕遠

棄廢之。汝分猷念以相從。各設中于乃心。**傳**羣臣當分

明相與謀念。和以相從。各設中正於汝心。乃有不吉不

迪**傳**不善不道。謂凶人顛越不恭。暫遇姦宄。**傳**顛。即

墜也。不恭。不奉上命。暫遇人而劫奪之。為姦於外。

於內。我乃劓殄滅之。無遺育。無俾易種于茲新邑。

割育。長也。言不吉之人。當割絕滅之。無遺長其類。

易種於此新邑。往哉生生。今予將試以汝遷。永建

傳自今以往。進進於善。我乃以汝徙。長立汝家。卿

稱家。**音義**不易之易。以豉反。注同。易種之易。如字。

又如字。注同。暫。才淡反。隕。于敏反。劓。魚器反。

徐吾氣反。殄。徒典反。長。丁丈反。下遺長同。

言事將畢。欲戒使入之。故嗚呼而歎之。今我告汝。以

易之事。言其難也。事既不易。當長敬我言。大憂行。以

羣臣若有不善不道。隕墜禮法。不恭上命。暫逢遇人。卽爲姦宄而劫奪之。我乃割絕滅之。無有遺餘生長。所以然者。欲無使易其種類於此新邑故耳。自今已往哉。汝當進進於善。今我將用以汝遷。長立汝使汝在位。傳諸子孫。勿得違我言也。**傳**正義曰。此易讀爲難易之易。不易言其難也。王肅云。告汝以命之不易爲難。鄭立云。我所以告汝者。不變易言必行之謂。盤庚自道己言必不改易。與孔異。釋詁云。隕。落。隕。墜。顛。越。也是從上倒下之言。故以顛爲隕。越。是遺落爲墜也。左傳僖九年。齊桓公云。恐隕越於下。文十八年。史克云。弗敢失墜。隕越。是遺落廢失之意。故以隕墜不恭爲不奉上命也。暫遇人而劫奪之。謂逢人卽劫。爲之無已。成十七年左傳曰。亂在外爲姦。在內爲宄。是劫奪之事。故以劫奪解其姦宄也。五刑。截鼻爲劓。故劓爲割也。育。長。釋詁文。不吉之人。當割絕滅之。無遺長其類。謂早殺其人。不使得子孫有此惡類也。易種者。卽今俗語云。相染易也。惡種在善人之中。則善人亦變易爲惡。故絕其類。無使易種於此新邑也。滅去惡種。乃是常法。而言于此新邑。言己若至新都。當整齊使潔清。長立汝家。謂賜之以族。使子孫不絕。左傳所謂諸侯命氏是也。王朝大夫。天子亦命之氏。故云。

立汝家也。

盤庚下

盤庚既遷。奠厥攸居。乃正厥位。**傳**定其所居。正郊廟朝

社之位。綏爰有衆。曰無戲怠。懋建大命。**傳**安於有衆。戒

無戲怠。勉立大教。今予其敷心腹腎腸。歷告爾百姓于

朕志。**傳**布心腹言。輸誠於百官以告志。罔罪爾衆。爾無

共怒。協比讒言。予一人。**傳**羣臣前有此過。故禁其後。今

我不罪汝。汝勿共怒我。合比凶人而妄言。**言義**奠田薦

遙反。腎時忍反。腸徐持良反。比毗志反。讒土咸反。**疏**正義曰。盤庚既遷至殷地。

廟朝社之位。又屬民而聚之。安慰於其所有之衆。曰汝等自今以後。無得遊戲怠惰。勉力立行教命。今我其布

心腹腎腸輸寫誠信。歷徧告汝百姓於我心志者。欲遷之日。民臣共怒盤庚。盤庚恐其怖懼。故開解之。今我無復罪汝衆人。我既不罪汝。汝無得如前共爲忿怒。協比讒言毀惡我一人。恕其前愆。與之更始也。**傳**正義曰。訓攸爲所。定其所居。總謂都城之內。官府萬民之居處也。鄭立云。徙主於民。故先定其里宅所處。次乃正宗廟朝廷之位。如鄭之意。奠厥攸居者。止謂定民之居。豈先令民居使足。待其餘剩之處。然後建王宮乎。若留地以擬王宮。卽是先定王居。不得爲先定民矣。孔惟言定其所居。知是官民之居。竝定之也。禮郊在國外。左祖右社。面朝後市。正厥位。謂正此郊廟朝社之位也。鄭立云。勉立我大命。使心識教令常行之。王肅云。勉立大教。建性命致之五福。又案下句。爾無共怒予一人。是恐其不從己命。此句宜言我有教命。汝當勉力立之。鄭說如孔旨也。布心腹者。此論心所欲言腹內之事耳。以心爲五臟之主。腹爲六腑之總。腸在腹內。腎在皮下。舉腎腸以配腹心。詩曰。公侯腹心。宣十二年。左傳云。敢布腹心。是腹心足以表內。腎腸配言之也。

古我先王將

多于前功。**傳**言以遷徙多大前人之功美。適于山。用降

我凶德嘉績于朕邦傳徙必依山之險無城郭之勞下

去凶惡之德立善功於我國今我民用蕩析離居罔有

定極傳水泉沈溺故蕩析離居無安定之極徙以為之

極音義降工巷反徐下江反去疏正義曰言古者我之

人之功是故徙都而適於山險之處用下去我凶惡之

德立善功於我新國但徙來已久水泉沈溺今我在此

之民用播蕩分析離其居宅無有安定之極我今徙而

使之得其中也說其遷都之意亦欲多大前人之功定

民極也傳正義曰古我先王謂遷都者前人謂未遷者

前人久居舊邑民不能相匡以生則是居無功矣盤庚

言先王以此遷徙故多大前人之功美故我今遷亦欲

多前功矣先王至此五邦不能盡知其地所都皆近山

故總稱適于山也易坎卦彖云王公設險以守其國徙

必依山之險欲使下民無城郭之勞雖則近山不可全

無城郭言其防守易耳徙必近山則舊處新居皆有山

矣而云適于山者言其徙必依山不謂舊處

乾隆四年校刊

盤庚下

十五

無山。故徒就山也。水泉鹹鹵。民居墊隘時。君不爲之徙。卽是凶惡之德。其徙者。是下去凶惡之德。立善功於我。新遷之國也。言下者。凶德在身。下而墜去之。民居積世。穿掘處多。則水泉盈溢。令人沈深而陷溺。其處不可安居。播蕩分析。離其居宅。無安定之極。極訓中也。詩云。立我烝民。莫匪爾極。言民賴后稷之功。莫不得其中。今爲民失中。故徙爾。謂朕曷震動萬民以遷。言皆不明己以爲之中也。

本心。肆上帝將復我高祖之德。亂越我家。以徙故。天

將復湯德。治理於我家。朕及篤敬。恭承民命。用永地于

新邑。言我當與厚敬之臣。奉承民命。用長居新邑。肆

予冲人。非廢厥謀。弔由靈。冲童童人。謙也。弔。至。靈。善

也。非廢。謂動謀於衆。至用其善。各非敢違卜。用宏茲賁。

宏賁。皆大也。君臣用謀。不敢違卜。用大此遷都大業。

音義

治直吏反。弔音的。

國

正義曰。言或如字。賁扶云反。汝等不明

震動萬民以爲此遷。我以此遷之。故成湯之德。治理於我家。我當與厚敬。是長居於此新邑。以此須遷之。故我其詢謀。謀於衆人。衆謀不同。至用其欲遷都也。又決之於龜卜。而得吉。我違卜。用是必遷。光大此遷都之大業。

傳

正義曰。民害不徙。違失湯德。以徙使復奉湯德。令得治理於我家。言由

聲相近。皆是幼小之名。自稱童人。言謙也。弔。至。靈。善。皆釋詁文。禮將有大

乃是常理。故言非廢。謂動謀於衆。言必有異見。故至極用其善者。宏。賁。皆

曰。周禮云。其聲大而宏。詩云。有賁其

之義也。各者。非一之辭。故爲君臣用

云。汝則有大疑。謀及卿士。謀及卜筮

謀及於衆。又決於著龜也。用大此遷

大之

也。嗚呼。邦伯師長百執事之人尚

伯及州牧也。衆長公卿也。言當庶幾相隱括共為善政。

予其懋簡相爾。念敬我衆。**傳**簡大相助也。勉大助汝。念

敬我衆民。朕不肩好貨。敢恭生生。鞠人謀人之保居。敘

欽。**傳**肩任也。我不任貪貨之人。敢奉用進進於善者。人

之窮困能謀安其居者。則我式序而敬之。**音義**長。丁丈

相息亮反。好呼報反。任而林反。**疏**正義曰。言遷事已訖。故歎而勅之。嗚

之人。庶幾皆相與隱括共為善政哉。我其勉力大助汝

等為善。汝當思念愛敬我之衆民。我不任用好貨之人。

有人果敢奉用進進於善。見窮困之人。能謀此窮困之

人安居者。我乃次序而敬用之。**傳**正義曰。邦伯邦國之

伯。諸侯師長。故為東西二伯。及九州之牧也。鄭立注禮

記云。殷之州長曰伯。虞夏及周皆曰牧。此殷時而言牧

者。此乃鄭之所約。孔意不然。故總稱牧也。師訓為衆。衆

長。衆官之長。故為三公六卿也。其百執事。謂大夫以下

諸百職事之官皆是也。此總勅衆臣。故二伯已下及執事之人。皆戒之也。釋言云。庶幾尚也。反復相訓。故尚爲庶幾。庶幸也。幾。翼也。隱謂隱審也。幸。翼相與隱審檢括共爲善政。欲其同心共爲善也。隱括必是舊語。不知本出何書。何休公羊序云。隱括使就繩墨焉。簡大。釋詁文。又云。相助。慮也。俱訓爲慮。是相得爲助也。盤庚欲使羣臣同心爲善。欲勉力大佐助之。使皆念敬我衆民也。釋詁云。肩勝也。舍人曰。肩強之勝也。強能勝重。是堪任之義。故爲任也。我今不委任貪貨之人。以恭爲奉。人有向善而心不決志。故美其人能果敢奉用。進進於善者。言其人好善不倦也。鞠訓爲窮。鞠人。謂窮困之人。謀人之保居。謂謀此窮人之安居。若見人之窮困。能謀安其居。愛人而樂安存之者。則我式序而敬之。詩云。式序在位。言其用次序在官位也。鄭王皆以鞠爲養。言能謀養人安其居者。我則次序而敬之。與孔不同。

弗欽。

傳

已進告汝之後。順於汝心與否。當以情告我。無

敢有不敬。無總于貨寶。生生自庸。

傳

無總貨寶以求位。

同治十年重刊

當進進皆自

必以德義長

於我心志矣
無得有不敬
自用功德不
一心以事君

尚書注疏卷

尚書注疏卷八考證

盤庚序將治亳殷○史記殷本紀帝盤庚之時殷已都河北盤庚渡河南復居成湯之故居裴駙注按鄭元曰治於亳之殷地商家自此改號曰殷皇甫謐曰今偃師是也

臣召南

按亳有三北亳南亳西亳此在偃

師則西亳也漢地理志河南郡偃師尸鄉殷湯所都盤庚之遷是於舊地附近新營京邑故下篇曰肆上帝將復我高祖之德又曰用永地於新邑也

疏盤庚以後遷於河北蓋盤庚後王有從河自亳地遷於洹水之南後又遷於朝歌○

臣召南

按自盤庚

以後都於殷凡七君至武乙始遷河北傳子及孫至
曾孫紂史記有明文然則自亳徙朝歌自武乙始也
盤庚上疏子開甲立○殷本紀作沃甲司馬貞索隱曰
系本作開甲臣浩按此疏所引者本紀文也又用系
本作開甲蓋開字係沃字之訛

誕告用亶其有衆○臣浩按注疏讀此七字爲句宋儒
始以其有衆連下咸造二字爲句

今予命汝一疏今我命汝是我之一心也○臣召南按
如疏所解則今予命汝當一讀一字爲一句

予丕克羞爾用懷爾然○臣召南按孔傳以大能進勞

汝解予丕克羞爾以義懷汝心解用懷爾又云而汝
違我是汝反先人孔疏順傳爲說是經文然字自爲
一句也

汝萬民乃不生生傳不進進疏進進是同心願樂之意

○臣浩按此二篇中三言生生傳俱解作進進疏謂

王肅亦然似古人方言如是

故有爽德傳湯有明德在天○臣召南按傳解此句頗

爲牽強依傳則故有爽德自上六字爲句

汝分猷念以相從各設中於乃心○金履祥曰古文尚
書猷念作繇古字繇攸通用猷念所念耳分石經作

比設中古文作翁中於義爲長

各非敢違卜用宏茲賁傳宏賁皆大也疏詩云有賁其

首○

臣召南

按宋儒蘇軾陳傅良解賁字作易賁卦

之賁言新遷規模煥然一新以湯誥賁若草木證之
似較傳疏爲愜

尚書注疏卷九

漢孔氏傳 唐陸德明音義 孔穎達疏

商書

說命上 說命中 說命下 高宗彤日 西伯戡黎 微子

序 高宗夢得說 **傳** 盤庚弟小乙子名武丁德高可尊

故號高宗夢得賢相其名曰說使百工營求諸野得

諸傅巖 **傳** 使百官以所夢之形象經營求之於外野

得之於傅巖之谿作說命三篇 **傳** 命說為相使攝政

音義

說本又作兌音悅注及正義曰殷之賢王有

名曰說羣臣之內既無其人使百官以所夢之形象

經營求之於外野得之于傅氏之巖遂命以為相史

敘其事作說命三篇 **傳** 正義曰世本云盤庚崩弟小

乾隆四年核刊

尚書注疏卷九

說命上

乙子也。喪服四制云。高宗者武丁。武丁者殷之賢王也。當此之時。殷衰而復興。禮廢而復起。中而高之。故謂之高宗。是德高可尊。故號高宗也。經云。爰立作相。王呼之曰說。知其名曰說。以工為官。見其求者眾多。故舉百官言之。使百官以所夢之形象。經營求於外。野皇甫謐云。使百工寫其形象。則謂工為工巧之人。與孔異也。釋水云。水注川曰谿。李巡曰。水出於山入於川曰谿。然則谿是水流之處。巖是山崖之名。序稱得諸傅巖。傳云。得之於傅巖之谿。以巖是總名。故序言之耳。經稱爰立作相。是命為相也。惟說命總百官。是使攝政也。

說命上 **傳** 始求得而命之。 **疏** 正義曰。此三篇。上篇

之中。篇說既總百官。戒王為政。下篇王欲師說而學。說報王為學之有益。王又厲說以伊尹之功。相對以成章。史分序以為三篇也。

王宅憂。亮陰三祀。 **傳** 陰默也。居憂信默三年不言。 **音義**

亮本又作諒。如字。又力章反。

疏

正義曰。言王居父憂。信任冢宰。默而不言。已三年矣。三年不言。自是常事。

史錄此句於首者。謂既免喪事。可以言而猶不言。故逃此以發端也。**傳**正義曰。陰者。幽闇之義。默亦闇義。故為

默也。易稱君子之道。或默或語。則默者不言之謂也。無逸傳云。乃有信默。三年不言。有此信默。則信謂信任冢

宰也。既免喪。其惟弗言。**傳**除喪。猶不言政。羣臣咸諫于王

曰。嗚呼。知之曰明哲。明哲實作則。**傳**

知事則為明智。明

智則能制作法則。天子惟君萬邦。百官承式。**傳**天下待

令。百官仰法。王言惟作命。不言。臣下罔攸稟令。**傳**稟受

令。亦命也。王庸作書以誥曰。以台正于四方。惟恐德弗

類。茲故弗言。**傳**用臣下怪之。故作誥。類善也。我正四方

恐德不善。此故不言。恭默思道。夢帝賚予良弼。其代予

言。傳。夢天與我輔弼良佐。將代我言政教。乃審厥象。俾

以形旁求于天下。傳。審所夢之人。刻其形象。以四方旁

求之於民間。說築傳巖之野。惟肖。傳。傅氏之巖。在虞虢

之界。通道所經。有澗水壞道。常使胥靡刑人築護此道。

說賢而隱。代胥靡築之。以供食。肖似。似所夢之形。音義

哲。本又作詰。詰。故報反。台。音怡。奮。力代反。徐音。來。俾。必爾反。肖。音笑。號。寡白反。壞。音怪。供。音恭。義曰。

傳以傅為氏。此巖以傅為名。明巖傍有姓傅之民。故云。傅氏之巖也。尸子云。傅巖。在北海之洲。傳言虞虢之界。

孔必有所案據而言之也。史記殷本紀云。是時說為胥靡。築於傅險。晉灼漢書音義云。胥。相也。靡。隨也。古者相

隨坐輕刑之名。言於時築傅險。則以杵築地。傳說賢人。必身不犯罪。言其說為胥靡。當是時代胥靡也。傳云。通

道所經。有澗水壞道。常使胥靡刑人築護此道。說賢而

隱。代胥靡築之。以供食。或亦有成文也。殷本紀又云。武

丁得說率以爲相。遂以傅險姓之。號曰傅說。鄭云。得諸傅巖。高宗因以傅命說爲氏。案序直言夢得說。不言傅。或如馬鄭之言。如高宗始命爲傅氏。不知舊何氏也。皇甫謐云。高宗夢天賜賢人。胥靡之衣蒙之而來。曰云我徒也。姓傅。名說。天下得我者。豈徒也哉。武丁悟而推之。曰。傅者。相也。說者。懽悅也。天下當有傅我而說民者哉。明以夢視百官。百官皆非也。乃使百工寫其形象。求諸天下。果見築者胥靡。衣褐帶索。執役于虞。號之閒。傅巖之野。名說。以其得之。傅巖。謂之傅說。案謠言初夢。卽云姓傅。名說。又言得之。傅巖。謂之傅說。其言自不相副。謐惟見此書。傅會爲近世之語。其言非實事也。

爰立作相。王置諸其左右。**傳**於是禮命立以爲相。使在

左右。命之曰。朝夕納誨。以輔台德。**傳**言當納諫。誨直辭

以輔我德。若金。用汝作礪。**傳**鐵須礪以成利器。若濟巨

川。用汝作舟楫。**傳**渡大水待舟楫。若歲大旱。用汝作霖

雨。傳霖三日雨霖以救旱。**疏**傳正義曰隱九年左傳云凡雨自三日已往為霖。

啓乃心沃朕心若藥弗瞑眩厥疾弗瘳。**傳**開汝心以沃

我心如服藥必瞑眩極其病乃除欲其出切言以自警

音義朝張遙反。礪力世反。楫音接。徐音集。瞑莫遍反。眩

景**疏**正義曰當開汝心所有以灌沃我心欲令以彼所見教己未知故也其沃我心須切至若服藥不使

人瞑眩憤亂則其疾不得瘳愈言藥毒乃得除病言切乃得去惑也。**傳**正義曰瞑眩者令人憤悶之意也方言

云凡飲藥而毒東齊海岱間或謂之瞑或謂之眩郭璞云瞑眩亦通語也然則藥之攻病先使人瞑眩憤亂病

乃得瘳傳言瞑眩極者言悶極藥乃行也楚語稱衛武公作懿以自警懿即大雅抑詩也切言出於傳說據王

以為自警也。若跣弗視地厥足用傷。**傳**跣必視地足乃無害

言欲使為己視聽。**音義**跣先典反徐七顯反為于偽反。惟暨乃僚罔不

同心以匡乃時

正汝君。

音義

五時

匡正汝君使

欽予時命其

說復于王曰

直君以諫明

待命其承意

此誰敢不敬

說命中

惟說命總百

王命總百官之職。謂在冢宰之任也。說以官高任重。乃進言於王。故史特標此句。為發言之端也。乃進

于王曰。嗚呼。明王奉若天道。建邦設都。**傳**天有日月北

斗五星二十八宿。皆有尊卑相正之法。言明王奉順此

道。以立國設都。**音義**宿音秀。**疏**正義曰。晉語云。大者天

垂象。見吉凶。聖人象之。皆言人君法天以設官。順天以

致治也。天有日月。照臨晝夜。猶王官之伯。率領諸侯也。

北斗環繞北極。猶卿士之周衛天子也。五星行於列宿。

猶州牧之省察諸侯也。二十八宿布於四方。猶諸侯為

天子守土也。天象皆有尊卑相正之法。言明王奉順天

道。以立國設都也。立國。謂立王國及邦國。設都。謂設帝

都及諸侯國都。總樹后王君公。承以大夫師長。**傳**言立

音義王于方反。長丁丈反。

君臣上下。將陳為治之本。故先舉其始。

治。直吏。**疏**正義曰。此又總言設官分職之事也。樹立也。反。下同。**疏**后王。謂天子也。君公。謂諸侯也。承者。奉上之

名。后王君公。人主也。大夫師長。人臣也。臣當奉行君故。以承言之。周禮立官。多以師爲名。師者衆所法。亦長之義也。大夫已下。分職不同。每官各有其長。故以長言之。三公則君公之內包之。卿則大夫之文兼之。長之言亦通。有上將陳爲治之本。故先舉其始。略言設官。故辭不詳。備爲治之本。惟天聰明已下。皆是也。

惟逸豫。惟以亂民。**傳**不使有位者逸豫。民上言立之。

使治民。**言義**豫。羊慮反。惟天聰明。惟聖時憲。惟臣欽若。惟

從乂。**傳**憲。法也。言聖王法天以立教。臣敬順而奉之。

以從上爲治。**言義**從。才容反。**疏**正義曰。憲。法。釋詁文。人之

事以言之。聰。謂無所不聞。明。謂無所不見。惟。聖人於法天。言聖王法天以立教。於下無不聞見。除其所惡之於善。雖復運有推移。道有升降。其所施爲。未嘗不天也。臣敬順而奉之。奉。卽上文承也。奉承君命而布於民。民以從上爲治。不惟口起羞。惟甲冑起戎。**傳**甲

胄兜鍪也。言不可輕教令。易用兵。惟衣裳在笥。惟干戈

省厥躬。

傳

言服不可加非其人。兵不可任非其才。

音義

胄直又反。鎧苦代反。兜丁侯反。鍪莫侯反。

疏

正義曰。言

易以鼓反。笥息嗣反。省息井反。一本作胄。

施化其舉止不可不慎。惟口出令不善。以起羞辱。惟甲

冑伐非其罪。以起戎兵。言不可輕教令。易用兵也。惟衣

裳在篋笥。不可加非其人。觀其能足稱職。然後賜之。惟

干戈在府庫。不可任非其才。省其身堪將帥。然後授之。

上二句事相類。下二句文不同者。衣裳言在篋笥。干戈

不言所在。干戈云省厥躬。衣裳不言視其人。令其互相

足也。**傳**正義曰。經傳之文。無鎧與兜鍪。蓋秦漢已來。始

有此名。傳以今曉古也。古之甲冑。皆用犀兕。未有用鐵

者。而鍪鎧之字。皆從金。蓋後世始用鐵耳。口之出言。為

教令。甲冑與師。乃用之。言不可輕教令。易用兵也。易亦

輕也。安危在出令。令之不善。則人違背之。是起羞也。靜

亂在用兵。伐之無罪。則人叛違之。是起戎也。非其人。非

其才。義同而互文也。周禮。犬宗伯。以九儀之命。正邦國

之位。一命受職。再命受服。三命受位。四命受器。五命賜

則六命賜官。七命賜國。八命作牧。九命作伯。始見。命爲正吏。受職。治職事也。列國之士。一士亦一命。再命受服。受立冕之服。列國之士之中士亦再命。然則再命已上始受衣服。去官之篋笥也。甲冑干戈俱是軍器。上言不可輕用兵。此言不可妄委人。雖文重而意異也。允茲克明。乃罔不休。**傳**言王戒慎此四惟之政乃無不美。惟治亂在庶官。**傳**言所官得人則亂。官不及私昵。惟其能。**傳**不加私昵。惟能

及惡德。惟其賢。

傳

言非賢不爵。

音義

昵。女乙反。

釋

然後官之。任官然後爵之。鄭云官之。使之。命之也。然則治其事謂之官。受其位謂之爵。所從言之異耳。賢謂德行能。謂才用。治事必云惟其能。受位宜得賢。故爵云惟其賢。詩序能。周禮鄉大夫三年則大比。考其德行。道藝能者。鄭云賢者有德行者。能者有道藝者。且

耳。私昵。謂知其不可而用之。惡德。謂不知慮善以動。動其非而任之。戒王使審求人。絕私好也。

惟厥時。**傳**非善非時不可動。有其善。喪厥善。矜其能。喪

厥功。**傳**雖天子亦必讓以得之。**音義**喪息浪反。**疏**正義曰。人

而憎自取。自有其善。則人不以為善。故實善而喪其善。自誇其能。則人不以為能。故實能而喪其能。由其自取。

故人不與之。有其善。即伐善也。舜美禹云。汝惟不矜。天下莫與汝爭能。汝惟不伐。天下莫與汝爭功。是言推而

不有。故名。惟事事。乃其有備。有備無患。**傳**事事非一事。反歸之也。

無啓寵納侮。**傳**開寵非其人。則納侮之道。**疏**正義曰。君


恭。小人得寵。則慢。若寵小人。則必恃寵慢主。無得開小

人以寵。自納此輕侮也。開。謂君出恩以寵臣。納。謂臣入

慢以輕主。據君而言。無恥過作非。**傳**恥過誤而文之。遂

成大非。**疏****傳**正義曰。仲虺之美。成湯云。改過不吝。明小

人有過。皆惜而不改。論語云。小人之過也。必



聞於所行之事。

說拜稽首曰。非知之艱。行之惟艱。**傳**言知之易。行之難。

以勉高宗。王忱不艱。允協于先王成德。**傳**王心誠不以

行之為難。則信合於先王成德。惟說不言。有厥咎。**傳**王

能行善。而說不言。則有其咎罪。**音義**忱。市林反。

說命下

王曰。來汝說。台小子舊學于甘盤。**傳**學先王之道。甘盤

殷賢臣有道德者。**音義**台。音怡。**疏**正義曰。舊學于甘盤。謂

公仰陳殷之賢臣云。在武丁時。則有若甘盤。然則甘盤

於高宗之時。有大功也。上篇高宗免喪不言。即求傅說

似得說時。無賢臣矣。蓋甘盤於小乙之世。以為大臣。小

乙將崩。受遺輔政。高宗之初。得有大功。及高宗薨喪。甘

盤已死。故君奭傳曰。高宗卽位。甘盤佐之。後有傳說。是言傳說之前有甘盤也。但下句言旣乃遯于荒野。是學訖乃遯。非卽位之初。從甘盤學也。旣乃遯于荒野。入宅于河。**傳**旣學而

中廢業。遯居田野。河。洲也。其父欲使高宗知民之艱苦。

故使居民閒。

音義

遯。徒頓反。

疏

正義曰。河是水名。水不可居。而云入宅于河。知在河之

洲也。釋水云。水中可居者曰洲。初遯田野。後入河洲。言其徙居無常也。無逸云。其在高宗時。舊勞於外。爰暨小人。言其父欲使高宗知民之艱苦。故使居民閒也。於時蓋未爲太子。殷道雖質。不可旣爲太子。更得與民雜居。

自河徂亳。暨厥終罔顯。

傳

自河往居亳與今。其終故遂

無顯明之德。爾惟訓于朕志。

傳

言汝當教訓於我。使我

志通達。若作酒醴。爾惟麴蘖。

傳

酒醴須麴蘖以成。亦言

我須汝以成。若作和羹。爾惟鹽梅。

傳

鹽鹹梅醋。羹須鹹

醋以和之。爾交脩子。罔子棄。子惟克邁乃訓。**傳**交非一

之義。邁行也。言我能行汝教。**音義**麴起六反。藜魚列反。羹音庚。一音衡。鹽余

廉反。梅亦作煤。醋七故反。和如字。又胡臥反。**疏**正義曰。爾交脩子。令其交

之義。言交互教之。非一事之義。邁行。釋言文。

說曰。王人求多聞。時惟建事。學于古訓。乃有獲。**傳**王者

求多聞以立事。學於古訓。乃有所得。事不師古。以克永

世。匪說攸聞。**傳**事不法古訓。而以能長世。非說所聞。言

無是道。惟學遜志。務時敏。厥脩乃來。**傳**學以順志。務是

敏疾。其德之脩乃來。**疏**正義曰。人志本欲求善。欲學順

之脩。乃自來。言務之既疾。則德自來歸己也。允懷于茲。道積于厥躬。**傳**信懷

疾。則德自來歸己也。

此 係 與 收 計 國 公 司 註 冊 之 商 標 一 一 一 一

惟聖傳手足具乃成人。有良臣乃成聖。昔先正保衡作

我先王傳保衡伊尹也。作起正長也。言先世長官之臣。

音義長丁丈疏傳正義曰保衡阿衡俱伊尹也。君奭傳


也。鄭箋云阿倚衡平也。伊尹湯所依倚而取平也。故以爲官名。又云太甲時曰保衡。鄭不見古文太甲云不惠于阿衡。故此爲解。孔所不用。計此阿衡保衡非常人之官名。蓋當時特以此名號伊尹也。作訓爲起言起而助湯也。正長。乃曰予弗克俾厥后惟堯舜。其心愧恥若撻釋詁文。

于市傳言伊尹不能使其君如堯舜。則恥之。若見撻于

市。故成其能。一夫不獲。則曰時予之辜。傳伊尹見一夫

不得其所。則以爲己罪。佑我烈祖。格于皇天。傳言以此

道左右成湯。功至于天。無能及者。爾尚明保予。罔俾阿



遂以道義訓王。勸王改脩德政。史敘其事。作高宗彤日。高宗之訓二篇。傳正義曰。經言彤日有雉。雉不知祭何廟。鳴何處。故序言祭成湯升鼎耳。以足之禘。禘與四時之祭。祭之明日。皆爲彤祭。不知此彤是何祭之彤也。洪範五事有貌言視聽思。若貌不恭。言不從。視不明。聽不聰。思不睿。各有妖異興焉。雉乃野鳥。不應入室。今乃入宗廟之內。升鼎耳而鳴。孔以雉鳴在鼎耳。故以爲耳不聰之異也。洪範五行傳云。視之不明。時則有羽蟲之孽。聽之不聰。時則有介蟲之孽。言之不從。時則有毛蟲之孽。貌之不恭。時則有鱗蟲之孽。思之不睿。時則有倮蟲之孽。先儒多以此爲羽蟲之孽。非爲耳不聰也。漢書五行志。劉歆以爲鼎三足。三公象也。而以耳行。野鳥居鼎耳。是小人將居公位。敗宗廟之祀也。鄭云。鼎三公象也。又用耳行。雉升鼎耳而鳴。象視不明。天意若云。當任三公之謀。以爲政。劉鄭雖小異。其爲羽蟲之孽則同。與孔意異。詩云。雉鳴而雉。尚求其雌。說文云。雉雄雉鳴也。雷始動。雉乃鳴。而雉其頸。○名高宗之訓。所以訓高宗也。此二篇俱是祖己之言。竝是訓王之事。經云。乃訓于王。此篇亦是訓也。但所訓事異。分爲二篇。標此爲發言之端。



王。正厥事。**傳**言至道之王遭變異。正其事而異自消。**疏**

正義曰。高宗既祭成湯。彤祭之日。於是有雉鳴之雉。在於鼎耳。此乃怪異之事。賢臣祖已見其事而私自言曰。惟先世至道之王。遭遇變異。則正其事而異自消也。**傳**正作此言。乃進言訓王。史錄其事。以為訓王之端也。**傳**正義曰。格。訓至也。至道之王。謂用心至極。行合於道。遭遇變異。改脩德教。正其事而異自消。太戊拱木。武丁雉雉。皆感變而懼。殷道復興。是異自消之驗也。至道之王。當無災異。而云遭變。消災者。天或有譴告使之至道。未必為道不至而致此異。且此勸戒之辭。不可執文以害意也。此經直云祖已曰。不知與誰語。鄭云。謂其黨。王肅云。言于王。下句始言乃訓于王。此句末。乃訓于王曰。惟天是告王之辭。私言告人。鄭說是也。

監下民。典厥義。**傳**祖已既言。遂以道訓諫王。言天視下

民。以義為常。降年有永。有不永。非天天民。民中絕命。**傳**

言天之下年與民。有義者長。無義者不長。非天欲天民。

民自不修義以致絕命。民有不若德。不聽罪。天既孚命

正厥德。**傳**不順德。言無義。不服罪。不改修。天已信命。正

其德。謂有永有不永。**音義**中子仲反。又如字。**疏**正義曰。祖已既

道訓諫於王曰。惟天視此下民。常用其義。言以義視下。觀其為義以否。其下年與民有長者。有不長者。言與為

義者長。不義者短。短命者非是天欲夭民。民自不修義。使中道絕其性命。但人有為行不順德義。有過不服聽

罪。過而不改。乃致天罰。非天欲夭之也。天既信行賞罰之命。正其馭民之德。欲使有義者長。不義者短。天安得

不行義事。求長命也。**傳**正義曰。經。惟言有永有不永。安知由義者。以上句云。惟天監下民。典厥義。天既以義為

常。知命之長短。莫不由義。故云。天之下年與民。有義者長。無義者不長也。民有五常之性。謂仁義禮智信也。此

獨以義為言者。五常指體則別。理亦相通。義者宜也。得其事宜。五常之名。皆以適宜為用。故稱義可以總之也。

民有貴賤。貧富。愚智。好醜。不同多矣。獨以天壽為言者。鄭立云。年命者。蠢愚之人。尤惕焉。故引以諫王也。惕。貪

乾隆四年校刊
高宗彤日

也。洪範五福以壽為首。六極以短折為先。是年壽者。最是人之所貪。故祖已引此以諫王也。傳亦顧上經。故不順德。言無義也。聽。謂聽從。故以不聽為不服罪。言既為罪過而不肯改修也。天已信命正其德。言天自信命。賞有義。罰無義。此事必信也。天自正其德。福善禍淫。其德必不差也。謂民有永有不永。天隨其善惡而報之。勸王改過脩德。乃曰其如台。傳祖已恐王未受其言。故乃復以求永也。

曰。天道其如我所言。嗚呼。王司敬民。罔非天庥典。祀無豐于昵。傳庥。嗣。昵。近也。歎以感王入其言。王者主民。當敬民事。民事無非天所嗣常也。祭祀有常。不當特豐於

近廟。欲王因異服罪改修之。音義台。音怡。復。扶。又反。豐。方弓反。昵。女乙反。戶

子云。不避遠昵。昵。近也。又乃疏正義曰。祖已恐其言不禮。反。馬云。昵。考也。謂禰廟也。入王意。又歎而戒之。嗚呼。王者主民。當謹敬民事。民事無非天所繼嗣。以為常道者也。天以其事為常。王當繼天行之。祀禮亦有常。無

得豐厚於近廟。若特豐於近廟，是失於常道。高宗豐於近廟，欲王服罪改修也。**傳**正義曰：釋詁云：膺，嗣。繼也。俱訓為繼，是膺得為嗣。嗣亦繼之義也。釋詁云：昵，尼也。孫炎曰：即猶今也。尼者，近也。郭璞引尸子曰：悅尼而來遠。是尼為近也。尼與昵音義同。烝民不能自治，自立君以主之。是王者主民也。既與民為主，當敬慎民事。民事無大小，無非天所嗣常也。言天意欲令繼嗣行之，所以為常道也。祭祀有常，謂犧牲粢盛尊彝俎豆之數。禮有常法，不當特豐於近廟。謂犧牲禮物多也。祖已知高宗豐於近廟，欲王因此雒雉之異，服罪改修，以從禮耳。其異不必由豐近而致之也。王肅亦云：高宗豐於禰，故有雒雉升遠祖成湯廟鼎之異。

序殷始咎周。**傳**咎，惡。周人乘黎。**傳**乘，勝也。所以見惡。

祖伊恐。**傳**祖已後賢臣，奔告于受。**傳**受，紂也。音相亂。

帝乙之子，嗣立暴虐無道，作西伯戡黎。**傳**戡，亦勝也。

音義

咎，其九反。馬云：咎，周者為周所咎。黎，力兮反。國名。尚書大傳作者受，如字。傳云：受，紂也。音相亂。

馬云受讀曰紂。或曰受婦人之言。故號曰受也。伯亦作拍。戡音堪。說文作戡云殺也。以此戡訓刺音竹甚反。勝詩正義曰。文王功業稍高。王兆漸著。殷之朝證反。疏。廷之臣始畏惡周家。所以畏惡之者。以周人伐而勝黎邑故也。殷臣祖伊見周克黎國之易。恐其終必伐殷。奔走告受。言殷將滅。史敘其事。作西伯戡黎。正義曰。易繫辭云。無咎者善補過也。則咎是過之別名。以彼過而憎惡之。故咎爲惡也。以其勝黎所以見惡。釋其見惡之由。是周人勝黎之後始惡之。詩毛傳云。乘陵也。乘駕是加陵之意。故乘爲勝也。鄭玄云。紂聞文王斷虞芮之訟。又三伐皆勝。而始畏惡之。所言據書傳爲說。伏生書傳云。文王受命一年斷虞芮之質。二年伐邾。三年伐密須。四年伐大夷。五年伐耆。六年伐崇。七年而崩。耆卽黎也。乘黎之前。始言惡周。故鄭以伐邾密須伐大夷。三伐皆勝。始畏惡之。武成篇。文王誕膺天命。九年乃崩。則伐國之年。不得如書傳所說。未必見三伐皆勝。始畏之。祖已後賢臣。此無所出。正以同爲祖氏。知是其後。明能先覺。故知賢臣。經云。奔告于王。王無諡號。故序言受以明之。此及泰誓武成。皆呼此君爲受。自外書傳皆呼爲紂。



尚事紂不可伐其圻內。祖伊恐奔告于王曰。天子天既所言圻內亦無文也。祖伊恐奔告于王曰。天子天既

訖我殷命。**傳**文王率諸侯以事紂。內秉王心。紂不能制。

今又克有黎國。迫近王圻。故知天已畢訖殷之王命。言

將化爲周。**音義**王心于況反。下注宜王者同。**疏傳**正義曰。襄四年左

國以事紂。是率諸侯共事紂也。貌雖事紂。內秉王心。布德行威。有將王之意。而紂不能制。日益強大。今復克有

黎國。迫近王圻。似有天助之力。故云天已畢訖殷之王命。言殷祚至此而畢。將欲化爲周也。**格人元**

龜罔敢知吉。**傳**至人以人事觀殷。大龜以神靈考之。皆

無知吉。**疏傳**正義曰。格訓爲至。至人謂至道之人。有所識解者也。至人以人事觀殷。大龜有神靈逆

知來物。故大龜以神靈考之。二者皆無知殷有吉者。言必凶也。祖伊未必問至人。親灼龜。但假之以爲言耳。

非先王不相我後人。惟王淫戲用自絕。**傳**非先祖不助

子孫以王淫過戲逸用自絕於先王故天棄我不有康
食不虞天性不迪率典**傳**以紂自絕於先王故天亦棄
之宗廟不有安食於天下而王不度知天性命所在而
所行不蹈循常法言多罪

音義

相息亮反

疏

禮記稱萬

物本於天人本於祖則天與先王俱是人君之本紂既
自絕於先王亦自絕於天上經言紂自絕先王此言天
棄紂互明紂自絕然後天與先王棄絕之故傳申通其
意以紂自絕先王故天亦棄之亦者亦先王言先王與
天俱棄之也孝經言天子得萬國之歡心以事其先王
然後祭則鬼享之今紂既自絕於先王先王不有安食
於天下言紂雖以天子之尊事宗廟宗廟之神不得安
食也而王不度知天命所在不知己之性命當盡也而
所行不蹈循常法

動悉違法言多罪**傳**今我民罔弗欲喪曰天曷不降威大

命不摯今王其如台**傳**摯至也民無不欲王之亡言天

何不下罪誅之。有大命宜王者。何以不至。王之凶害。其

如我所言。

音義

摯音至。本又作藝。

疏

正義曰。摯至同音。故摯爲至也。言天何不下罪誅

之。恨其久行虐政。欲得早殺之也。有大命宜王者。何以不至。向望大聖之君。欲令早伐紂也。王之凶禍。其如我之所言。以王不信。故審告之也。

王曰。嗚呼。我生不有命在天。

傳

言我生有壽命在天。民

之所言。豈能害我。遂惡之辭。祖伊反曰。嗚呼。乃罪多參在上。乃能責命于天。

傳

反。報紂也。言汝罪惡衆多。參列

於上天。天誅罰汝。汝能責命于天。拒天誅乎。殷之卽喪。

指乃功。不無戮于爾邦。

傳

言殷之就亡。指汝功事所致。

汝不得無死戮於殷國。必將滅亡。立可待。

音義

參。七南反。馬云。

參字累在上。

序 殷既錯天命。**傳** 錯亂也。微子作誥父師少師。**傳** 告

二師而去紂。**音義** 錯七各反。馬云：少，詩照反。**疏** 正義曰：殷紂既

天命，其兄微子知紂必亡，以作言誥告父師箕子少

師比干，史敘其事而作此篇也。名曰微子，而不言作

微子者，已言微子作誥，以可知而省文也。**傳** 正義曰：交錯是渾亂之義，故為亂也。不指言紂惡而言錯亂，

天命者，天生烝民，立君以牧之，為君而無君道，是錯亂天命，為惡之大，故舉此以見惡之極耳。

微子 **傳** 微，圻內國名。子爵，為紂卿士。去無道。**疏** **傳** 正

義曰：微國在圻內，先儒相傳為然。鄭玄以為微與箕俱在圻內，孔雖不言箕亦當在圻內也。王肅云：

微國名，子爵，入為王卿士，肅意蓋以微為圻外，故言入也。微子名啓，世家作開，避漢景帝諱也。啓與

其弟仲衍皆是紂之同母庶兄。史記稱微仲衍，衍亦稱微者。微子封微，以微為氏。故弟亦稱微，猶如

春秋之世。虞公之弟稱虞叔。祭公之弟稱祭叔。微子若非人臣。則無假憂紂。亦不必須去。以此知其爲卿士也。傳云。去無道者。以去見其爲卿士也。

微子若曰。父師。少師。父師。太師。三公。箕子也。少師。孤

卿。比干。微子以紂距諫。知其必亡。順其事而言之。殷其

弗或亂正四方。或有也。言殷其不有治正四方之事

將必亡。我祖底遂陳于上。言湯致遂其功。陳列於上

世。我用沈酗于酒。用亂敗厥德于下。我紂也。沈。酒。酗。

營。敗亂湯德於後世。殷罔不小大。好草竊姦宄。草。野

竊盜。又爲姦宄於內外。卿士師師非度。凡有辜罪。乃罔

恆獲。六卿典士。相師效爲非法度。皆有辜罪。無秉常

得中者。小民方興。相爲敵讎。**傳**。卿士旣亂。而小人各起

一方。共爲敵讎。言不不同。今殷其淪喪。若涉大水。其無

津涯。**傳**。淪沒也。言殷將沒亡。如涉大水。無涯際。無所依

就。殷遂喪。越至于今。**傳**。言遂喪亡於是。至於今到不待

久。**音義**。治直吏反。沈徐直金反。醜況具反。以酒爲凶曰

命。反。醜酒也。好呼報反。宄音軌。度如字。讎常周反。**疏**。正

淪音倫。徐力允反。喪息浪反。涯五皆反。又宜佳反。**疏**。義

曰。微子將欲去殷。順其去事而言曰。父師少師呼二師

與之言也。今殷國其將不復有治正四方之事。言其必

滅亡也。昔我祖成湯。致行其道。遂其功業。陳列於上。世

矣。今我紂惟用沈湎醜醬於酒。用是亂敗其祖之德。於

下。由紂亂敗之故。今日殷人無不小大皆好草竊姦宄

雖在朝卿士。相師師爲非法度之事。朝廷之臣皆有辜

罪。乃無有一人能秉常得中者。在外小人。方方各起。相

與共爲敵讎。荒亂如此。今殷其沒亡。若涉大水。其無津

17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

之容也。說文云：醜，營也。然則醜營一物，謂飲酒醉而發怒，經言亂敗其德，必有所屬，上言我祖，指謂成湯，知言敗亂湯德於後世也。上謂前世，故下為後世也。士訓事也。故卿士為六卿典事，師師言相師效為非法度之事也。止言卿士以貴者尚爾，見賤者皆然，故王肅云：卿士以下，轉相師效為非法度之事也。鄭云：凡猶皆也。傳意亦然，以凡為皆，言卿士以下，在朝之臣，其所舉動，皆有辜罪，無人能秉常行得中正者。

曰：父師少師，我其發出狂，吾家耄遜于荒。[傳]我念殷亡。

發疾生狂，在家耄亂，故欲遜出於荒野，言愁悶，今爾無

指告子顛隳，若之何其。[傳]汝無指意，告我殷邦顛隳

墜，如之何其救之。[音義]出，尺遂反，耄字又作旄，莫報反。[疏]徒困反，徐徒頓反，一音徒困。

反，隳，子細反，玉篇，子兮反。[疏]正義曰：微子既言紂亂，乃切韻，祖稽反，隳，子敏反。[疏]問身之所宜，止而復言，故

別加一曰：父師少師，更呼而告之也。我念殷亡之故，其心發疾生狂，吾在家心內耄亂，欲遜遜出於荒野，今汝

父師少師。無指滅亡之意。告我云。殷邦其隕墜。則當如之。何其救之乎。恐其留已共救之也。**傳**正義曰。狂生於心。而出於外。故傳以出狂爲生狂。應璩詩云。積念發狂癡。此其事也。在家思念之深。精神益以耄亂。鄭立云。耄昏亂也。在家不堪耄亂。故欲遜出於荒野。言愁悶之至。詩云。鴛言出遊。以寫我憂。亦此意也。無指意告我者。謂無指殷亡之事。告我。言殷將隕墜。欲留我救之。顛謂從上而隕。墜謂墜於溝壑。皆滅亡之意也。昭十三年左傳曰。小人老而無子。知墜於溝壑矣。王肅云。墜。墜溝壑。言此墜之義如左傳也。

父師若曰。王子。

傳

比干不見。明心同。省文。微子。帝乙元

子。故曰王子。天毒降災。荒殷邦。方興沈酗于酒。

傳

天生

紂爲亂。是天毒下災。四方化紂。沈湎不可如何。乃罔畏

畏。咈其耆長。舊有位人。

傳

言起沈湎。上不畏天災。下不

畏賢人。違戾耆老之長。致仕之賢。不用其教。法紂故。今

殷民乃攘竊神祇之犧牲。牲用以容。將食無災。**傳**自來而取。曰攘。色純曰犧。體完曰牲。牛羊豕曰牲。器實曰用。盜天地宗廟。牲用。相容行食之。無災罪之者。言政亂。降監殷民。用乂讎。斂召敵讎。不怠。**傳**下視殷民。所用治者。皆重賦傷民。斂聚怨讎之道。而又亟行暴虐。自召敵讎。不解怠。罪合于一。多瘠罔詔。**傳**言殷民上下有罪。皆合於一法紂。故使民多瘠病。而無詔救之者。商今其有災。我興受其敗。**傳**災滅在近。我起受其敗。言宗室大臣。義不忍去。商其淪喪。我罔爲臣僕。詔王子出迪。**傳**商其沒亡。我二人無所爲。臣僕欲以死諫紂。我教王子出。合於

道我舊云刻子。王子弗出。我乃顛齊。**傳**刻病也。我久知

子賢言於帝乙欲立子。帝乙不肯。病子不得立。則宜為

殷後者子。今若不出逃難。我殷家宗廟。乃隕墜無主。自

靖。人自獻于先王。**傳**各自謀行其志。人人自獻達于先

王。以不失道。我不顧行遜。**傳**言將與紂俱死。所執各異。

皆歸於仁。明君子之道。出處語默非一途。**音義**見賢遍

景反。拂。扶勿反。耆。工口反。長。丁丈反。注同。攘。如羊反。因

來而取曰攘。竊。馬云往盜曰竊。神。祇。天曰神。地曰祇。犧

許宜反。牲。音全。讎。如字。下同。徐云鄭音疇。馬本作禰。云

數也。斂。力檢反。馬鄭力豔反。謂賦斂也。徐云鄭力劔反。

治。直吏反。亟。欺忌反。數也。又紀力反。本又作極。如字。至


也。懈。佳賣反。瘠。在益反。臣僕。一本無臣字。舊云馬云言

也。刻。音克。馬云侵刻也。難。乃且反。靖。**疏**正義曰。父師亦

馬本作清。謂潔也。顧。音故。徐音鼓。順其事而報微

子曰。王子。今天酷毒下災。生此昏虐之君。以荒亂殷之邦國。紂既沈湎。四方化之。皆起而沈湎。鬻於酒。不可如何。小人皆自放恣。乃無所畏。上不畏天災。下不畏賢人。違戾其耆老之長。與舊有爵位致仕之賢人。今殷民乃攘竊祭祀神祇之犧牲。用以相通。容行取食之。無災罪之者。盜天地大祀之物。用而不得罪。言政亂甚也。我又下視殷民。所用爲治民者。皆讎怨。斂聚之道也。言重賦傷民。民以在上爲讎。重賦乃是斂讎也。旣爲重賦。又急行暴虐。此所以益招民怨。是乃自召敵讎。不懈怠也。上下各有罪。合於一紂之身。言紂化之使然也。故使民多瘠病。而無詔救之者。商今其有滅亡之災。我起而受其敗。商其沒死亡喪滅。我無所爲。人臣僕言不可別事他人。必欲諫取死也。我教王子出奔於外。是道也。我久云子賢。言於帝乙。欲立子不肯。我乃病傷。子不得立。爲王。則宜終爲殷後。若王子不出。則我殷家宗廟。乃隕墜無主。旣勸之出。卽與之別。云各自謀行其志。人人各自獻達於先王。我不顧念行遜之事。明期與紂俱死。傳王義曰。諮二人而一人答。明心同。省文也。鄭云。少師不答。志在必死。然則箕子本意。豈必求生乎。身若求生。何以不去。旣不顧行遜。明期於必死。但紂自不殺之耳。若此。

于意異箕子。則別有答。安得默而不言。孔解心同是也。微子。帝乙元子。微子之命。有其文也。父師呼微子爲王子。則父師非王子矣。鄭王等以爲紂之諸父。當是實也。荒殷邦者。乃是紂也。而云天毒降災。故言天生紂爲亂。本之於天。天毒下災也。以微子云若之何。此答彼意。故言四方化紂沈湎。不可如何。乃罔畏畏。文在方輿沈酗之下。則此無所畏畏者。謂當時四方之民也。民所當畏。惟畏天與人耳。故知二畏者。上不畏天。下不畏賢人。違戾壽長。與舊有位人。卽是不畏賢人。故不用其教。紂無所畏。此民無所畏。謂法紂故也。攘竊同文。則攘是竊類。釋詁云。攘。因也。是因其自來而取之名。攘也。說文云。犧。宗廟牲也。曲禮云。天子以犧牛。天子祭牲。必用純色。故知色純曰犧也。周禮牧人。掌牧六牲。以供祭祀之牲。牲以牲爲言。必是體全具也。故體完曰牲。經傳多言三牲。知牲是牛羊豕也。以犧牲。牲三者。旣爲俎實。則用者簋簋之實。謂黍稷稻粱。故云器實曰用。謂案盛也。禮。天曰神。地曰祇。舉天地。則人鬼在其間矣。故總云盜天地宗廟牲用也。訓將爲行。相容行食之。謂所司相通容。使盜者得行盜而食之。大祭祀之物。物之重者。盜而無罪。言政亂甚也。漢魏以來。著律皆云。敢盜郊祀宗廟之物。無



同治十年重刊

尙書注疏卷九

君子之道。或出或處。或默或語。是非一途也。何晏云。仁者愛人。三人行異而同。稱仁者。以其俱在憂亂寧民。

尙書注疏卷九

按察使銜兼署廣東按察使鹽運使臣鍾謙鈞恭校刊

尚書注疏卷九考證

說命上傳始求得而命之○王樵曰命官有辭自唐虞有之少僅一言多或數言止於當時面命有書自說命始

乃審厥象俾以形旁求於天下傳審所夢之人刻其形象○臣召南按傳言刻其形象是刻木非繪圖也疏並無一語解刻字後文引皇甫謐云使百工寫其形象是作繪圖解也疑傳刻字是則字之訛

說築傅巖之野惟肖傳傅氏之巖在虞號之界○水經注曰沙澗水出虞山東南逕傅巖歷傳說隱室前俗

謂之聖人窟孔安國傳傳說隱於虞虢之間卽此處也地理今釋今山西平陸縣東北二十五里俗名隱賢社

又傳說賢而隱代胥靡築之以供食○何孟春曰孟子言傳說舉於版築之間墨翟書曰傳說衣褐帶索傭築於傅巖孔傳謂代胥靡以供食卽墨之所謂傭也

臣召南

按此說可以補疏所不及賈誼賦曰傳說

胥靡乃相武丁史記曰說爲胥靡築於傅險皆實言說曾犯刑此蓋傳聞失實也

疏遂以傅險姓之○以字監本作令今從殷本紀原

文改正

明王奉若天道建邦設都疏猶王官之伯率領諸侯也

○臣照按王官之伯二伯也二伯分掌東西故配日

月

惟干戈省厥躬傳兵不可任非其才疏省其身堪將帥

然後授之○臣召南按傳疏解作慎選將才於經文

省厥躬義終未協且古制卿士大夫卽是將帥文武
之途不分上句言衣裳在笥已該括矣朱子謂干戈
施於人而必省自己之是非是也

台小子舊學於甘盤疏君奭傳曰高宗卽位甘盤佐之

後有傳說○鄭睦

後王者說則高宗

召公專述舊臣故

說曰王人求多聞時

臣召南

按傳意且

當讀斷如禹曰帝

學於古訓乃有獲○

應麟曰仲虺之誥

甲言誠之始也○

惟學遜志務時敏○

孫務時敏鄭注敬道孫業也引斆學半作學學半鄭注言學人乃益己之學半引念終始典於學鄭注典經也言學之不舍業也鄭雖不見古文其解亦自暗

合

高宗彤日序高宗祭成湯有飛雉升鼎耳而雊○蔡沈曰蓋祭禘廟也序言湯廟非是金履祥曰蓋高宗之廟祖庚彤祭之日有雊雉之異也序非是

臣照

按飛

雉之異史記殷本紀及封禪書漢書五行志皆據此序謂武丁因災恐懼修德中興先儒並無異論金氏因經文首句卽稱高宗知此事是祖庚之事意蓋謂

信小序不如信經文也顧書不必作於高宗時後
所記亦何不可史記云子帝祖庚立祖己嘉武丁
以祥雉爲德立其廟爲高宗遂作高宗彤日及訓
則高宗於彤日越有雉雉非祭高宗之彤日也豈
二字讀斷其義自明

西伯旣戡黎傳在上黨東北疏黎國漢之上黨郡志
所治黎亭是也○括地志故黎城黎侯國在潞州
城縣東北八十里王應麟曰商都朝歌黎在上黨
關乃河朔險要之地黎亡而商震矣周以商墟封
狄人追逐黎侯衛不能救而式微旄邱之詩作

爲狄所滅衛之滅猶商之亡也秦拔上黨而趙韓危
唐平澤潞而三鎮服形勢其可忽哉

臣石南

按疏所

治黎亭所治二字疑衍地理志上黨郡壺關縣注引
應劭曰黎侯國也今黎亭是後書郡國志曰壺關有
黎亭故黎國劉昭注曰文王戡黎卽此然則黎亭是
壺關縣鄉亭之名非所治也

祖伊恐傳文王率諸侯以事紂內秉王心紂不能制疏
貌雖事紂內秉王心○王應麟曰孔傳豈知文王之
心哉文王之德之純心與貌異乎

微子傳微圻內國名○地理今釋今潞安府潞城縣東

尚書注疏卷九考證
北十五里有微子鎮卽寰宇記所謂微子城在潞東
北者也

尚書注疏卷九考證